



太平御覽卷第二百三十二

職官部三十

鴻臚卿

鴻臚少卿

卿屬國

司農卿

司農少卿

上林苑令

大倉令

遵官令

大府卿

大府少卿

市令

平淮令

左右藏令

鴻臚卿

六典曰鴻臚卿之職掌賓客及凶儀之事領典客司儀二署以率其官屬而供其職務少卿爲之二凡四方夷狄君長朝見者辨其等位以賓侍之凡二王之後及夷狄君長之子襲官爵者皆辨其嫡庶詳其可否若諸蕃大酋渠者
太平御覽 卷二百三十二 一
封禮命則受冊而往其國

韋昭辨釋名曰腹前肥者臚言以京師爲心腹王侯外國爲四體以養之也辨云鴻臚本故典客掌賓禮鴻大也臚陳序也欲以陳序賓客也

漢書曰田序字子公連擒大姦徵爲大鴻臚

又曰典客秦官掌諸侯歸義蠻夷有丞景帝六年更名大行令武帝大初元年更名鴻臚

東觀漢記曰大鴻臚漢舊官建武元年復置屬官有丞二人

大行丞一人有理禮員四十七人主齊祠饋贊九賓之禮

續漢書曰大鴻臚卿一人中二十石諸王入當郊迎典其

禮儀及郡國上計并屬焉皇子拜王贊授印綬及拜諸侯



嗣子及四方夷狄封者鴻臚召拜之

謝承後漢書曰陳紀字元方遭父太丘長寔憂嘔血絕氣豫州嘉其至行表上尙書圖畫百城以勵風俗袁紹以太尉讓紀紀不受拜大鴻臚卒于官子羣爲三公天下以爲公慙卿卿慙長

又曰白嵩字季山爲濟南相甘露降於郡安帝嘉其祥瑞徵拜大鴻臚

漢官解詁曰鴻聲也臚傳也所以傳聲贊導九賓也

又曰昔唐虞賓於四門此則禮賓之制與鴻臚之任亦同漢雜事曰蕭何爲陳留太守入爲鴻臚不任賓贊還官

魏志曰崔林字德儒清河東武城人也遷大鴻臚龜茲王

太平御覽

卷二百三十二

二

遣侍子來朝朝廷嘉其遠至褒賞其王甚厚餘國各遣子來朝開使連屬林恐所遣或非真的權取疏屬賈胡因通使命利得印綬而道路護送所損滋多勞所養之民資無益之事爲夷狄所笑此曩時之所患也乃移書燉煌諭旨并錄前世待遇諸國豐約故事使有恒常

魏畧曰韓宣字景然爲大鴻臚始南陽曲阜暨以宣德在宣前爲大鴻臚及宣在官亦稱職故鴻臚中爲之語曰大鴻臚小鴻臚前後治行相曷如

蜀志曰杜瓊字伯瑜後主立爲大鴻臚爲人靜默少言闔門自守不與世事

吳志曰張儼字子節吳人也弱冠知名早歷顯位以博聞

多識拜大鴻臚使于晉皓謂嚴曰南道通好以君有出境之才故相屈行對曰華皇皇者華臣蒙其榮懼無古人延譽之差磨厲鋒鏑思不辱命既至車騎將軍賈充尙書令裴秀侍中荀勗等欲傲以所不知而不能屈尙書僕射羊祜尙書何禎並縞帶之好

唐書官品志曰鴻臚卿位視尙書右丞掌導護贊拜

山濤啟事曰鴻臚職主胡事前後爲之者率多不善了今缺當選御史中丞刁攸不審可爾不

鴻臚少卿

後魏職令曰鴻臚少卿第四品上第二清用雅學詳常機樞達理者

太平御覽

卷二百三十二

三

隋書曰煬帝時蠻夷朝貢前後相屬帝從容請宇文述虞世基等曰四夷率服觀禮幸夏鴻臚之職須歸令望寧有多才藝美容儀可以接對賓客者爲之乎咸以蘇夔對帝然之卽日拜鴻臚少卿

典屬國

漢書曰武帝以移音移中監蘇武爲典屬國

又曰宣帝甘露二年以帝惠爲典屬國

又曰典屬國秦官掌蠻夷降者成帝河平元年省併大鴻臚

臚

司農卿

六典曰司農卿之職掌邦國倉儲委積之事惣上林大倉

鈞盾導官四署與諸監之官屬謹其出納而修其職務少卿爲之二凡京都百司官吏祿廩皆仰給焉

周禮曰冢宰有大府下大夫鄭玄注云大府爲王治藏之長若今司農矣

史記曰韓信歸漢漢以爲治粟內史

漢書曰治粟內史秦官掌穀貨景帝更名大農令武帝更名大司農

又曰鄭當時字庄爲司農門下客至無貴賤無留門者執實禮以下人山東諸公翕然稱庄曰吾聞鄭莊行千里不齋糧

又曰朱邑爲北海太守以治行第一人爲大司農身爲列

太平御覽

卷一百三十二

四

卿居處節儉性公正不可交以私天子器之朝廷敬焉及卒詔稱揚其節行賜邑子黃金百斤以奉其祭祀

又曰田延年爲大司農坐盜都內錢三千萬自殺

又曰平帝元始元年改大司農曰義和以劉歆爲之

東觀漢記曰劉據爲大司農以職事被遣召詣尙書將加箠撻尙書左雄諫帝曰九卿位亞三公行則鳴王孝明未平始加朴罪非右制也帝從之卿於是始免朴捶

又曰高詡孝季回以儒學徵拜大司農在朝以清白方正

稱

又曰羊融字子優大司農性明達稱爲明卿

續漢書曰季固爲大司農上信闕官天下牧守多其宗親

舊故及受貨賂有詔特拜不由選試亂生彌甚固乃上表且陳盜賊所以興由官非其人也

又曰大司農卿一人中二千石掌諸錢穀金帛

又曰趙興字仲經爲大司農開門却掃非德不交

又曰耿國字叔慮爲大司農晚邊事能論議數上便宜事天子器之

又曰鄭玄公車徵爲大司農給安車一乘所過長吏送迎張潘漢記曰陳寵爲廣漢太守風聲大行入爲大司農

應劭漢官儀曰大司農古官也唐虞分命羲和四字敬授民時高祖受命懲秦之弊與民休息建至文景國家無事家給人足京師之錢累百已萬貫朽而不可校大倉之粟太平御覽 卷二百三十二 五

陳陳相因充溢露積腐敗而不可食

魏志曰梁習爲并州二十餘年政治爲天下最乃徵拜大司農

吳志曰樓玄爲大司農玄從九卿持刀衛正身率衆奉法而行應對切直數遷皓意漸見責怒後人誣曰玄與賀劭相逢駐共耳語大笑謗訕政事遂被詔詰責送廣州

晉陽秋曰司農桓範字元則出奔曹爽云大司農印在吾手中所在得開倉而食

宋書曰大司農卿一人書稱棄后稷其職也

齊職儀曰司農卿耕籍則掌其禮儀

隋書曰趙元淑轉潁州太守甚有惠政因入朝會司農不

時納諸郡租穀元淑奏之帝謂元淑曰如卿意者幾曰當
子元淑曰如臣意不過十日帝卽日拜元淑爲司農卿納
天子租如言而了帝悅焉

唐書官品志曰司農卿位視散騎常侍主農功倉廩統大
倉導官籍田上林令

韓揚天文要集曰天倉者大司農也

異苑曰吳郡岑澗爲吳郡時大司農卿碑注在汪乘湖西
大元中村人見龜載從田中出還其先處萍藻猶著復下
史游急就篇曰司農少府國之泉也

司農少卿

後魏職令曰司農少卿第五清用堪勤有幹能者

太平御覽

卷一百三十二

六

唐書曰韋弘機爲司農少卿受詔檢校東都管田園苑之
事高宗謂之曰兩都是朕東西二宅也今之宮館隋代所
造歲序旣淹漸將頽頓欲有修造又費財力何如弘機奏
曰臣任司農向已十年前後省費今見貯錢三千萬貫若
以供輯理可不勞而就也上大悅之

上林苑令

漢書百官表曰衡屬官有上林令

續漢書曰上林苑令六百石主苑中禽獸有民居皆主之
捕得獸送大官

李邵別傳曰邵以郎謁者爲上林苑令

揚雄上林苑令箴曰芒芒天由芄芄作穀山有陵陵野有

林麓夷原汗藪禽獸攸伏魚鼈以時芻蕘咸植國以殷富
民以家給

太倉令

六典曰太倉署令掌九穀廩藏之事丞爲之貳凡鑿窖置
屋皆銘輒爲度斛之數與其年月日受領粟官吏姓名文
立碑如其銘焉

漢書曰淳于意爲太倉令

續漢書曰太倉令一人秩六百石主受郡國轉漕穀

梁翼別傳曰太倉令秦官出入翼妻受所語言飲食獨往
獨來屏去御者官翼倉頭壽妨夫宗忻不知書因壽氣力起家

拜太倉令

太平御覽

卷二百三十二

七

齊職儀曰太倉令周司徒屬官有廩人倉人則其職也

導官令

六典曰導官令掌導擇米麥之事凡有九穀之用皆隨其
精粗羗其耗損而供之

漢書百官表曰少府屬官司導官

如淳曰太官之別主酒也

續漢書曰導官令一人主春御米及作乾糒導擇也

太府卿

六典曰太府卿之職掌邦國賦貨之事惣京都四市平准
左右藏常平入署之官屬舉其綱目修其職務少卿爲之
貳以二瀆平物一曰度量二曰權衡

周禮曰天官屬有太府下大夫掌貢賦受其貨賄之入

梁書曰天監七年置太府班第十三掌金帛府帑繞右藏
令上庫丞太市南北市令關津亦皆屬焉

後魏書曰楊播字延慶弘農華陰人也播少修勅奉親盡
禮累遷右衛將從車駕南巡到懸瓠除太府卿

唐書曰楊崇禮爲太府少卿雖錢帛充仞丈尺閒皆自省
閱議以爲稱職擢拜太府卿每歲勾剝省便常出數百萬
貫在職二十年公清如有一時太平日久御府財物山積
以爲輕楊卿者無不精好

唐書官品志曰太府卿位視宗正掌金帛府帑統右藏令
太府少卿

後魏職令曰太府少卿第四品上時人官上用勤篤有幹

太平御覽

卷二百三十二

八

細務無滯者

唐新語曰狄光嗣仁傑長子也睿宗朝起復除太府少卿
光嗣頻表不起乃降勅朕念卿家門忠於王室奪情禮以
答殊思卿屢表固陳詞理云畢更候後命仍編入吏

市令

六典曰京都諸市令掌百族交易之事丞爲之貳凡建標

立候陳肆辨物以二物平市

謂稱以格
斗以旣也

以三賈均平事精

上賈次爲中
賈粗爲下賈

凡賣買不和而擢固

擢謂專署其利
固謂郭固其市

及更出

開閉共限一價

謂賣物一賤爲賈
買物以貴爲賤也

若叅市而規自入者並

禁之

謂在旁高下其
價以相惑亂

史記曰司馬談祖爲漢市長

漢書百官表曰內史屬官有長安市長又長安西市令長丞屬左馮翊

東觀漢記曰祭遵從征河北爲軍市令舍中兒犯灑遵格殺之上怒命收遵時主簿陳副諫曰明公常欲衆軍整齊今遵奉法不避是教令行也上乃貸之以爲刺姦將軍語諸將曰當備祭遵吾舍中兒犯令尙殺之必不私諸卿也晉書曰石苞賣鐵鄴市市長沛國趙元儒名知人見而異之便與結交歎其遠量當至公輔

齊書儀曰市令周有司廛師司市皆其任也

平准令

六典曰平准令掌供官市易之事丞爲之貳凡百司不任太平御覽

卷一百三十二

九

用之物則以時出貸其設官物者亦如之

韋昭辨釋名曰釋云平准令主染色色有常平之灋准的之也辨云主平物價使相依准

史記曰藥弘羊以物多騰躍請置平准於京師受天下委輸盡籠天下之貨物貴則賣之賤則買之如此則富商大賈無所牟大利矣始置平准焉

漢書百官表曰司農屬官有平准令丞

漢書曰趙廣漢清潔下士有名譽州舉茂才拜准令

續漢書曰平准令六百石

齊職儀曰染署掌染繪色少昊置五雉爲工止翬雉色設五色之工周有染人之職掌絲帛以爲服

六典曰左藏令掌邦國庫藏之事丞爲之貳凡天下賦調先於輸場閱其合尺度斤兩者卿及御史監閱然後納于庫藏皆題以州縣年月以別粗良以辨新舊也

又曰右藏令掌邦國寶貨之事丞爲之貳凡四方所獻金玉珠具玩好之物皆藏之出納禁令如左藏之職

齊職儀曰右藏庫周天府內府之任天府物所藏也內府掌邦布之出入以待王用後漢中藏府令丞掌幣帛金銀諸物晉置中黃左右藏

太平御覽

卷二百三十二

十



職官部三十一

秘書監

秘書少監

秘書丞

秘書郎

秘書監

六典曰監之職掌邦國經籍圖書之事有二句一曰著作二曰太史皆率其屬而修其職少監爲之貳

東觀漢記曰桓帝延嘉二年初置秘書監掌典圖書古今文字合異同

華嶠後漢書曰學者稱東觀爲老氏藏室道家蓬萊山王融曲水詩序曰記言事於仙室謂藏室也

太平御覽

卷二百三十三

一

魏志曰王象字義伯散騎常侍領秘書監撰皇覽魚豢魏畧曰蘭臺臺也而秘書著耳

王隱晉書曰王沉爲秘書監著魏書多爲時諱而善序事又曰羊祜爲黃門郎陳留王立以少帝不願爲侍臣徒爲秘書監

又曰惠帝永平元年詔公秘書監經理經籍考校古今課試署吏領有四百人宜專其事

鄧粲晉紀曰華譚爲秘書自負宿名意每怏怏常從容謂上曰臣老於秘閣矣汲黯之言復存今日上不悅

晉諸公讚曰荀勗領秘書監太康二年汲郡冢中得竹書勗躬自撰次注寫以爲中經列於秘書經傳闕文多所證

明

又讚曰庾峻自司空長史秘書監幽讚符命天文地理因有述焉

何法盛晉中興書曰孫盛字安國為秘書監篤尚好學自少及長常手不釋卷既居史官乃著三國陽秋

沈約宋書百官志曰秘書監丞各一人郎四人魏武建國有秘書令左右丞黃初中分秘書立中書而秘書之局不廢

廢

又曰昔漢武帝建藏書之冊置書之官於是天下又籍皆在天祿石渠延閣廣內秘書之室謂之秘書至誠哀世使劉向父子以本官典其事至于後則圖籍在東觀有校書

太平御覽

卷一百三十三

一

郎又有著作郎

傳者馬在又復多為職也又蔡邕從向晉選入東觀著作也既已為尚書郎而入

東觀著作復拜郎郎知是著作郎也

又碩學達官往往典校秘書於向歆故事或但校書東觀或有兼撰漢記也

梁書曰任昉字彥昇為秘書監自齊永元以來秘閣四部篇卷紛雜昉手自讐校由是篇目定焉

後魏書曰伊馥世祖欲拜馥為尚書郡公馥辭曰尚書務殷公尊至重非臣年少遇近所宜荷任請收過恩世祖問

其欲馥曰中秘二省名諸文士若恩矜不已請叅其次世

補賢之遂拜為中護將軍秘書監

隋書曰柳詵字顧言本河東人也煬帝嗣位拜秘書監封

漢南縣公帝退朝之後便命入閣言宴諷讀終日而罷帝

每與嬪后對酒時逢與會輒遣命之至與同榻共席恩若朋友帝猶恨不能夜召於是命匠刻木偶人施機關能坐起拜伏以像於晉帝每在月下對酒輒令宮人置之於座與相酬酢而爲歡笑

唐書曰魏徵爲秘書監奏引學者校定四部書自是秘府圖籍粲然畢備

劉歆七畧曰武帝廣獻書之路百年之間書積如丘山故外有太常史博士之藏內則延閣廣內秘室之府

魚豢典畧曰芸臺香碎紙魚蠹故藏書臺稱芸臺

三輔黃圖曰未央宮東有麒麟殿藏秘書郎楊雄校書之處也

太平御覽

卷二百三十三

三

王充論衡曰蘭臺之官監國得失也

通典曰秘書省但主書寫勘校而已雖非要刺然好學君子亦多求爲之

溫嶠舉荀崧爲秘書監表曰夫國史之興將以明得失之路謂之實錄使一代之典煥然可觀散騎常侍崧文質彬彬思義通博歷位先朝蒞事以穆宣掌秘奧宣明史籍

王肅表曰青龍之末主者啟選秘書監詔秘書驛吏以上

三百餘人非但學問義理當聞有威嚴能檢下者詔肅以常侍領焉

又王肅曰秘書不應屬少府表曰魏之秘書郎漢之東觀郎國稱敢言之上東觀且自大魏分秘書而爲中書以來

名于相繼于今三監未有隸名於少府者也今欲使臣編名於騶隸言於外府不亦墮朝章而辱國典乎太和之中蘭臺秘書爭議三府奏議秘書司先生之載籍掌制書之典謨與中書相亞宜與中書爲官聯

華嶠集詔曰尙書嶠體素弘簡文雅該通經覽古今博聞多識屬書實錄有良史之志故轉爲秘書監其加散騎常侍使中書散騎著作及治體者律天文數術南省文章門下撰集皆典領之嶠表伏見詔書以臣爲秘書監加位常伯昔劉向父子世與司籍馬融通典三人東觀非臣膚淺投所敢跡

唐書曰太宗正授顏師古秘書監制曰秘書望華史官任太平御覽

卷二百三十三

四

重選重而舉歷代攸難守秘書監顏師古體業淹和氣用詳敏學慈流畧詞兼典麤職司圖亟經歲序朱紫旣辨著述有成宜正名器允茲望實可秘書監

秘書少監

唐書曰周思茂者具州章南人少與弟思鈞俱早知名自右史轉太子舍人與犯履冰在禁最冢親過至於政事損益多忝預焉累遷麟臺少監崇文館學士垂拱四年下獄又曰王紹宗揚州江都人也遷秘書少監仍侍皇太子讀書紹宗性澹雅以儒素見稱當時朝廷之士咸敬慕之張易之兄弟亦厚之伏誅紹宗坐以交往見廢

又曰德宗以左諫議大夫史館修撰張薦爲秘書監修撰

如故時裴延齡貴欲異同宰府乃言於上曰諫議大夫論朝廷得失之官史館修撰書朝廷得失之事則領史職官不宜爲諫官故有斯命

秘書丞

魏志曰武帝置秘書左右丞以劉放爲秘書左丞孫資爲秘書右丞

魏畧曰薛夏字宜聲天水人也博學有才華天水舊有姜任閭趙四姓常推於郡中而夏爲單家不爲降屈四姓欲治之夏乃遊逸東詣京師太祖宿聞其名甚禮遇之文帝又嘉其才黃初中爲秘書丞帝常與夏推論書傳未嘗不終日也每呼之不名而謂之薛君夏居甚貧帝又顧其衣薄解御袍賜之其後征東將軍曹休來朝時帝方與夏有所諮論而外啟休到帝引入坐定帝顧夏目之於休曰此君秘書丞天水薛宜也宜共談其見遇如此

魚豢魏畧曰薛夏爲秘書丞時秘書嘗公事移蘭臺蘭臺自以臺也秘書丞時爲署耳謂不得儀當有坐者之夏報曰蘭臺爲外臺秘書爲內閣臺也閣也何不相移之有蘭臺無以折之

又曰嚴苞以高才黃初中爲秘書丞數奏文賦帝甚異之晉書曰嵇紹以父得罪靖居私門山濤領選啟武帝曰康誥有言父子罪不相及嵇紹賢侔卻缺宜加旌命請爲秘書郎帝謂濤曰如卿所言乃堪爲丞何但郎也乃發詔徵

之起家爲秘書丞

王隱晉書曰庾峻字山甫博學有才爲秘書丞遍觀古今聞見益優

虞預晉書曰何禎字元幹廬江人也爲尚書郎特詔參秘書丞秘書丞有一丞時尙未轉遂以禎爲右丞之置自禎始也

檀道濟晉陽春秋曰太元十八年王謚爲秘書丞乃表前尙書殷允中書郎張敞太子後率鄒儉之故太常桓石秀是多書之家請秘書郎分局採借

齊書曰王儉字仲寶爲秘書丞上表求校墳籍依七畧撰七志四十卷獻之

太平御覽

卷一百三十三

十六

又曰張率字士簡吳郡人遷秘書丞高祖曰秘書丞天下清官東南胃緒未爲有之今以相處爲卿定名譽

齊職儀云秘書丞銅印墨綬

南史曰劉孝綽遷秘書丞武帝謂舍人周捨云第一當官用第一人故以孝綽居此職

後魏書曰孝彪字道固遷秘書丞分領著作事自武成帝已來至於太和崔浩高允著書述編年序錄爲春秋之體遺落時事一二無存彪與書令高祐始奏從遷固之休創爲紀傳表志之目焉

又曰李輔字伯尙少有重名高祖每云此李氏之千里駒勅撰太宗起居注尋遷秘書丞

後周書曰柳虬爲秘書丞時秘書雖領著作不叅史事自虬爲丞始令監掌焉

王肅論秘書表云青龍中議秘書丞耶與博士議耶同職近日月宜在三臺上

又曰秘書丞耶乘鹿車猶用尺奏恐非陛下崇儒之本意也

秘書耶

六典曰秘書耶四人從六品上

晉起居注云武帝遣秘書圖書分爲甲乙丙丁四部使秘書耶各掌其一焉

魏志曰王基字伯輿東萊曲城人也時青土初定刺史王太平御覽

卷一百三十三

七

凌特表請基爲別駕後召爲秘書耶凌復請還頃之司徒王朗辟基凌不遣朗書劾州曰取宿衛之臣留秘閣之吏所希聞也凌猶不遣凌流青稱土蓋亦由基協和之輔也又曰鍾會字士季潁川長社人少敏慧夙成蔣濟著論謂觀其眸子足以知人會年五歲見濟濟甚異之正始中以爲秘書耶遷尙書中書侍郎

蜀志曰郗正字令先河南偃師人安貧好學博覽墳籍弱冠能屬文人爲秘書吏轉爲令史遷秘書耶性澹於榮利而尤耽意文章自司馬王楊班傳張蔡之傳遺文篇賦及當世美書善論益部有者則鑽鑿推求畧皆寓目

王隱晉書曰鄭默字思元爲秘書耶刪省舊文除其浮穢

時陳留虞松爲中書令爲默曰而今而後朱紫別矣

又曰左思專思三都賦杜絕人事自以所見不博求爲秘書郎

虞預晉書曰司馬彪少篤學不倦好色薄行不交人事專精學問大始中爲秘書郎後轉爲丞

晉太康起居注曰秘書丞桓石綬啟校定四部書詔郎中四人各掌一部

晉書曰秘書郎掌外三閣經書復省閱正定課

沈約宋書曰秘書郎四人後漢校書郎也

又曰蕭惠開雖貴戚而車服簡素初爲秘書郎秘書著作並各家年少惠開意趣與之多不同比肩或三年不共語

太平御覽

卷二百三十三

八

宋書曰王敬弘子恢之爲秘書郎使求爲奉朝請與恢之書曰秘書有限故有競朝請無限故無競吾欲使汝處之地文帝許之

梁書曰張纘字伯緒爲秘書郎固求不遷欲遍觀閣內圖籍

後魏書曰高謐字安平有文武才度天安中以功臣子召入禁中除秘書郎典秘閣謐以墳典殘缺奏廣訪郡邑大加繕寫由是代京圖籍莫不蕃正

通典曰宋齊秘書郎皆四員尤爲美職皆爲甲族起家之選待次入補其居職到十月便選

又曰秘書郎自齊梁之末多以遺逝于子弟爲之無其才

實故當時諺曰上車不落則著作體中何如則秘書

王肅表曰臣以爲秘書職於三臺爲近密中書郎在尙書丞郎上秘書丞郎宜次尙書郎下不然則亘次侍御史下秘書丞郎俱四百石遷宜比尙書郎亦出亘爲郡此陛下崇儒術之盛旨也尙書郎侍御史皆乘犢車而秘書丞郎獨鹿車不得朝服之恐非陛下轉臺郎以爲秘書丞郎之本意也

太平御覽

卷二百三十三

九



太平御覽卷第二百三十三終

職官部三十二

著作郎

著作佐郎

教書郎

正字

著作郎

續漢書曰弘農楊彪字文先多識博聞與諸郎著作

東觀王隱晉書曰陳壽爲著作佐遷大著作

又曰陸士衡以文學秘書監虞所濬請爲著作郎議晉書

限斷

又曰何嵩善史作爲著作

晉書曰元康元年詔著作郎舊穎舍而秘書既典司文籍

太平御覽

卷二百三十四

一

今改中書著作郎爲秘書著作郎

晉中興書曰孫盛歷散騎常侍秘書監常領著作

又曰孫綽爲散騎常侍領大著作於時才筆之士綽爲其

冠

又曰李充爲大著作于時典籍混亂充側除煩重以類分

作四部秘閣以爲永制

又曰謝沈爲祠部郎何充庾承以沈有史才遷大著作

晉大典起居注日元帝依故事召陳郡王隱待詔著作單

衣介幘翔望朝著作者

沈約宋書曰何丞天除著作郎撰國文丞天時年已老而

諸著作郎並名家年少蜀伯子嘲之常呼爲姝母丞天曰

卿當云鳳凰將九子姝母何言耶

又曰著作郎後漢官後漢已來太史但掌天文律曆而已其國記撰述悉在著作江左王導表著作爲史官是也後漢東觀有著作郎

後漢書曰崔浩好文學時人莫及大興中給事秘書轉著作郎太祖以其工書常置左右太祖李年威風嚴峻官者左右多以微過莫不道隱浩獨恭勤不怠或納日不歸太祖知之敕命賜以御粥其砥直任時不爲窮通改節皆此類也

又曰程駿拜著作郎顯祖屢引與論易老之義顧謂羣臣曰朕與此人言意甚閑暢又問駿曰卿年幾何對曰臣今六十有一顯祖曰昔太公既老而遭文王卿今遇朕豈非早也駿曰臣雖才謝呂望而陛下尊過西伯冀天假餘年竭六韜之效

又曰韓顯宗除著作郎高祖會爲顯宗及程靈虬曰著作之任國言是司卿等之才朕自委悉中省之品卿等所聞若欲取古人班馬之徒固自遼濶若求之當代文學之能卿等應推崔孝伯

又曰趙逸爲赫連屈丐著作郎世祖平統萬見逸所書曰此豈無道安得爲此言乎作者誰也其速推之司徒崔浩進曰彼之謬述亦猶子雲之美新皇王之道固宜容之世

祖止

三國典畧曰齊主以其著作郎祖珽數上密啟命中書門下二省斷珽奏事初珽爲秘書郎用芳林遍畧質樗蒲錢又陳元康被傷將死憑珽作書屬家云祖喜邊有少許物宜早索取珽不通此書喚喜私問得金二十五錠唯與喜二錠餘並自入祖喜元康二弟叔謙季據等叔謙以語楊愔愔顰眉荅曰恐不益亡者因此得停其後齊文宣以珽爲秘書丞盜遍畧事發付平陽王淹令錄珽付禁淹遣使收珽珽便私逃黃門侍郎高得正謀云但宣命向秘書稱奉拜州進止須經史各部仰丞親自檢校催遣如此則珽意自安夜當還宅然後掩捉之果如德正所圖遂縛送廷尉據犯當死文宣以其服事先代除名爲民愛其才故令太平御覽

卷二百三十四

三

直中書普選勞舊遷爲著作

唐書曰著作郎鄧隆上表請編錄御製詩集太宗冲讓不許隆好學多伎王充兄子太守之河陽也引隆爲賓客大見親遇太宗攻洛陽遣書諭充隆爲充復書言辭不遜洛陽平後隆懼罪變姓名自號隱云先生竄於白鹿山黃冠野服不接人事貞觀初徵授國子主簿與博士崔仁師昌黎慕容善行宏農劉顛新野康安禮河東敬播俱爲修史學士隆負宿罪猶不自安太宗聞之遣方齡謂之曰爾之爲王大作書誠合重責但各爲其主於朕何有惡哉朕今爲天子何能追責匹夫之過耳宜坦然勿懷危懼也擢校著作郎及修史成尋卒東都記三十卷爲學者所重

又曰龍翔二年改著作郎爲司文郎中佐郎爲司文郎
又曰劉充濟傳垂拱四年明堂初成允濟奏上明堂賦以
諷則天甚嘉嘆之手製褒美拜著作郎

陶氏職官要錄曰著作郎舊規通直郎史才富博者爲之
應亨集讓著作表曰自司隸校尉奉著臣五葉著作不絕
鄉族以爲美談

著作佐郎

王隱晉書曰武帝欲以郭琦爲著作佐郎問尙書郭彭彭
憎琦不附已荅詔不識上曰若如卿言烏丸家兒能事卿
卽堪郎矣及趙王倫篡又欲用琦琦曰我已爲武帝吏不
能復爲今世吏終于家

太平御覽

卷二百三十四

四

又曰華嶠漢書十典未成秘書監繆徵奏嶠少子暢爲著
作佐郎卒成十典

晉中興書曰郭璞奏南效賦中宗見賦嘉其才以爲著作
佐郎

又曰華譚爲秘書監時晉陵朱鳳吳郡吳震等以單于有
史才白首衡門譚薦二人擢補著作佐郎並皆稱職

沈約宋書曰謝景仁陳郡楊夏人會稽王世子元顯嬖人
張法順權傾一時內外無不造門者唯景仁不至年三十
方爲著作佐郎迨桓玄誅元顯見景仁謂四座曰司馬庶
人父子云何不敗遂令謝景仁三十方著作郎

後魏書曰宋弁字義和爲著作佐郎尋除尙書殿中郎中

又曰李崇爲并州刺史多劫盜崇乃村置一樓樓懸一鼓盜發則擊之俄頃之間聲布百里遂多擒獲諸州鼓樓自崇始也

又曰南安王禎出爲湘州刺史高祖餞之於林都亭詔曰今者之集雖曰分歧實爲曲宴並可賦詩申意射者可以觀德不能賦詩者可聽射也當使武士彎弓文士下筆

又曰汝陰王子修義字壽安涉獵書傳高才爲高祖所知除右將軍齊州刺史修義以齊州頻喪刺史累表固辭詔曰修短有命吉凶由人何過致憂憚以乖維城之寄違凶就吉時亦有之可聽更立扉宇修義於是移治東城

又曰畢終敬父子相代爲本州當世榮之時終敬以老還太平御覽
卷二百三十四
五
鄉常呼其子元賓爲史君每於元賓聽政之時與元賓所先遣左右敕不聽起觀其斷決忻然喜見顏色

又曰邢蠻征梁漢郡之民相繼而至遂平漢中詔曰蠻至彼有以懷和附衆高下品第可依義陽都督之格也拜蠻西案梁秦州刺史

北齊書曰張亮武定初拜大中大夫薛琰嘗夢亮於山上挂絲以告亮占之曰山上絲幽字也君其爲幽州乎數日亮出爲幽州刺史

北史曰齊平監爲揚州刺史其妻生男鑒因喜飲醉擅勉境內課免關中細作二人醒而知之上表自劾文宣原其罪賜牛羊酒令作樂

後漢書曰馬融字季長博通經籍永初二年大將軍鄧騭聞融名召爲舍人四年拜爲校書郎中詣東觀典校書秘是旨鄧太后臨朝騭兄弟兼政以爲文德可興武功宜廢遂寢蒐狩之禮息戰陣之法故使得猾賊縱橫乘此無備融乃感激以爲文武之道聖賢不墜五才並用無或可廢乃上廣成頌以諷諫

王隱晉書曰鄭默字思元爲秘書郎刪省舊文除其浮穢著魏中經中書令虞松謂默曰而今而後朱紫別矣

晉令曰秘書郎掌中外三閣經覆校闕遺正定脫謬

晉太元起居注曰秘書丞桓綏啟校定四部書詔遣郎中四人各掌一部

太平御覽

卷二百三十四

六

唐書曰楊炯華陰人幼聰敏博學善屬文神童舉拜校書郎爲崇文館學士

正字

六典曰正字四人正九品下掌定典籍判正文字

唐書曰陳子昂苦節讀書尤工書文高宗靈駕將還長安子昂詣闕上書陳東都形勝可以安置山陵關中險阻行西不便則天召見奇其對拜靈麟臺正字

又曰吳通玄道瓘爲太子諸王授經而通玄兄弟出入禁掖恒侍太子遊通玄與兄通微俱博學善屬文文綵綺麗通玄幼應神童釋秘書省正字

又曰蘇弁字元容京兆武功人也弁少有文學舉進士授

唐明皇雜錄曰劉晏以神童爲秘書省秘書正字上問晏曰正字正得幾字晏曰天下字皆正惟有朋字未正立宗大奇之

太平御覽

卷二百三十四

七



職官部三十三

太史令

殿中監 六尚附

大長秋

太史令

春秋元命苞云屈字挾一而起者為史史之為言紀也天度文法以此起也

尚書酒誥曰太史友內史友

太史內史等國典法所賓友者也

周書曰維正月王在成周昧爽召三公右史戎夫曰今夕朕寤遂事其驚余乃取遂事之要戒甲戎夫主之翔望以聞也

禮記曲禮下曰天子建六太曰太宰太宗太史太祝太士

太平御覽

卷二百三十五

一

太卜典司六典

又玉藻曰動則左史書之言則右史書之

春秋宣上曰趙穿攻靈公於桃園宣子未出山而復太史書曰趙盾弑其君以示於朝宣子曰不然對曰子為正卿亡不越境返不討賊非子而誰宣子曰嗚呼我之懷矣自貽伊戚其我之謂矣孔子曰董狐古之良史也書法不隱又襄四曰大史書曰崔杼弑其君崔子殺之其弟嗣書而死者二人嗣續其弟又書乃舍之南史氏聞太史盡死執簡以往聞既書矣乃還

又曰魯昭公二年晉韓宣子來聘觀書於太史氏見易象與魯春秋曰周禮盡在魯矣

周禮春官丁曰太史掌建國之六典大史曰官也春秋傳使有曰卿

大戴曰天子既冠成人免於保傅則有司過之史

春秋文耀鉤曰楚立唐氏以為史官蒼雲如蜺闡斬七蟠中有

荷斧之人嚮軫而躡蟠猶周也楚驚

唐史曰君慢命又簡宗廟命天命也轉於天文楚之分也向之而踞是慢命踞簡宗廟

於是晝遺炎烟曜於蒼雲精無支軫火精雲水氣火

亦陽也遺之才象蟠所也水難勝火三唐史之策上滅蒼

雲告神以史功也

韓詩外傳曰據法守職而不敢為非者太史也

毛詩序曰國史明乎得失之職傷人倫之廢衰刑政之苛

太平御覽 卷二百三十五

吟詠性情以諷其上達於事變而懷其舊俗者也

春秋後語曰晉太史屠黍見晉之亂以其國瀆歸周

因語曰鄭桓公為司徒問於史伯曰王室多故史周伯也余

懼及焉

漢書曰司馬喜生談談為太史公如淳曰漢儀注太史公武帝置位在丞相上天

下許書先上人史公嗣上丞相片事如古春秋遷苑宣帝以其官為令行太史公文書而已臣讀案百官表無太史

公茂尉中書司馬諡為太史令遷仕為郎中使西征巴蜀以南畧律音非

昆明還報命是歲天子如逮漢家之風而太史公留滯周

南如淳曰周南各陽也不得與從事發憤且卒而子遷適反見父於

河洛之間太史公執遷手而泣曰子先周室之太史也白

上世嘗顯功名虞夏典天官事後世中衰絕於予乎子復

爲太史則續吾祖矣今天子接千歲之緒封泰山而余不得行是命也夫是命也夫予死汝必爲太史爲太史無忌吾所欲論著矣遷俯首流泣曰小子不敏請述論光人所次舊聞不敢闕卒三歲而遷爲太史令

又藝文志曰古之任者世有史官君舉必書所以慎言行昭法式也

又曰清史子注古史官記事也

又曰孔甲盤孟篇

黃帝史官

又曰史籀

周宣王太史作大篆

又曰秦太史令胡毋敬作傳學章

東觀漢記曰陰猛以博通古今爲太史令

太平御覽

卷二百三十五

三

司馬彪續漢書曰張衡字子平以郎中遷太史令妙善機衡之正紀渾天儀復造候風地動儀以精銅鐵成員徑八尺合蓋隆起形如酒杯知有地動樽則震尋其方面知震所在驗之以事合契如神

張璠漢記曰初王師敗於曹陽欲浮河東下御史太史令王立曰去春太白犯鎮星於斗過天津熒惑又逆行守河北不可犯也由是遂北渡河將自軹關東出立又謂宗正劉艾曰前太白守天關與熒惑感金大交會革命之象也漢

祚終矣晉魏必有興者後立數言於帝曰天命有就去五行不常盛代者土也丞漢魏也能安天下者曹姓唯委任

曹氏而已曹公聞之使人語立曰知忠於朝廷天道深遠

幸勿多言

應劭漢書曰太史令秩六百石掌天時星歷凡歲奏新年
歷凡國祭祀喪娶之事奏良日國有瑞應災異記之

又曰太史令秩六百石望郎三十人掌故三十人昔在顛
項南正重司天火正黎司地唐虞之際分命羲和歷象日
月星辰敬授民時至於夏后殷周世敘其官皆精研術數
窮神知化當春秋時魯有梓慎晉有卜偃宋有子韋鄭有
裨竈觀乎天文以察時變其言屢中有備無害漢與甘石
唐都司馬父子抑亦次焉宋塗盜進荀彘茲階既闢侯望
競飾邪僞以凶爲吉莫之懲紕

漢舊儀曰丞周史官至武帝置太史公司馬遷父談世爲
太平御覽

卷二百三十五

四

太史遷年十三使乘傳行天下求古諸侯之史記

魏志曰黃龍見譙橋玄閒太史令單颺颺曰其國當有王
者

吳志曰吳範字文則會稽上虞人也劉盛兵西陵範曰後
當和親終皆如言其占驗明審如此權以範爲騎都尉領
太史令數從訪問欲知其訣範秘惜其術不以至要語權
由是恨也

又曰韋曜字弘嗣孫亮卽位諸葛恪輔政表曜爲太史令

撰吳書

沈約宋書曰太史掌歷數靈臺專候日月星氣焉

世本曰沮誦蒼頡作書

宋袁註曰沮誦蒼頡黃帝之史官

唐書曰乾元元年改太史局爲司天臺掌天文歷數風雲氣色有異則密封以聞其小吏有司歷保章正靈臺郎掾壺正等官各有差

呂氏春秋曰夏太史終古今夏傑惑亂載其圖法而泣乃出奔商商太史高勢見紂之迷亂載其圖法出之周晉太史屠乘見晉之亂以其圖法歸周

帝王世紀曰黃帝使蒼頡取象鳥跡始作文字之篆史官之作蓋自此始記其言行冊而藏之

文士傳曰張衡性精微有功巧藝特留意於天文陰陽竿數由是遷太史令

環濟要畧曰太史令取善繼述者使記時事天子圖書計

太平御覽

卷二百三十五

五

最典籍皆副焉

賈誼書曰不知日月之時節不知先王之諱與國之忌不知風雲雷之青凡此屬太史之任也

楊雄太史合箴曰昔在太古愛初肇記天地之紀重黎是司降及唐虞乃命羲和欽若昊天百政攸宜便帝不愼羲和不令涵時亂日帝旅愛征庶寮殷唯爲天難夏氏黷德而明補不獨

荀悅中鑒曰古者天子諸侯有事必告廟左右二史臧否成敗無不存焉得失一朝榮辱千載善人教焉惇人耀焉故先王重之以嗣賞罰以輔灋教宜於官者其方之各書

其事歲盡則集之於尙書

六典曰殿中監掌服御之事惣尚食尚藥尚衣尚乘尚舍尚輦六局之官屬備其物而其職事少監為之貳

尚食奉御掌謹其儲供辨其名數直長為之貳

尚藥奉御掌合和藥物辨藥上中下之三品直長為之貳

尚衣奉御掌衣服詳其制度辨其名數

尚乘奉御掌內外閑廐之馬辨其粗良而牽其習馭直長

為之貳

尚書奉御掌殿庭張設湯沐而潔其灑掃直長為之貳

尚輦奉御掌輿輦繖扇之分分其次序而辨其名數直長

為之貳

太平御覽

卷二百三十五

大長秋

天官書有宦者四星在帝座之西周有官正宮伯璿

王宮中宮人掌王之內宰理王內之政令以陰禮闈人寺

人官戰國時有宦者令秦有將作尉衛少府各一人並皇

也漢景帝中六年改將作為長秋顏師古秋收成之時長

后官或用人中人或閹成帝加置太僕一人掌

太后輿馬通謂之皇太后卿皆從太后宮為官號無太后

則間至後漢復增置丞中宮謁者令宮中尚書宮中私府

中宮求巷令中宮黃門冗從僕射虎賁官騎中宮官署令

藥長並除大長秋歷魏晉宋梁陳後魏皆有長秋之號而

官屬省置不同北齊有長秋寺置卿中尹各一人諸宮闈

掖庭等並用官者隋改曰內侍省煬帝改爲長秋監置令一人丞二人竝用士人唐武德初復爲內省事皆用官者後漢書曰鄭衆字李產南陽犍人也爲人謹敏有心永平中初給事太子家肅宗卽位拜小黃門遷中常侍和帝初竇太后秉政后兄大將軍憲等竝竊威權朝臣上下莫不附之而衆獨一心王室不事豪黨帝親信焉又憲兄弟圖作不及衆遂首莫誅之以功遷大長秋

又曰良賀位爲大長秋清儉退後陽嘉中詔九卿舉式猛賀獨無所薦帝引問其故對曰臣生自草茅長於宮掖旣無知人之名又未嘗交加士類因衛鞅因景監以見有職知其不終今得臣舉者匪榮貽辱固辭之

太平御覽 卷二百三十五

又曰曹騰字季興順帝在東宮鄧太后以騰年少謹厚使侍皇太子書特見親愛及卽位騰小黃門遷中常侍桓帝得立騰與長樂太僕州輔等七人以定冊功皆封亭侯騰遷大長秋用事省闈三十餘年奉事四帝未嘗有過其所進達皆海內名人

又曰曹節字漢豐南陽新野人也靈帝卽位以冊功封長安卿侯時竇太后臨朝后父大將軍武興太傅陳蕃謀誅中官節等與長樂五官史朱瑀等矯詔誅武蕃等節遷長樂衛尉後轉大長秋

太平御覽卷第二百三十六

職官部三十四

國子祭酒

可業

博士少府監

將作監

國子祭酒

六典曰國子祭酒司業之職掌邦國儒學訓導政令有六焉一曰國子二曰太學三曰四門四曰律學五曰書學六曰算學

韋昭辯釋名曰祭酒者謂祭六神以酒醑之也辯云凡會同饗讌必尊長先用先用必酒以祭先故曰祭酒漢時吳王年長以爲劉氏祭酒是也

太平御覽

卷二百三十六

一

徐廣釋祭酒云古主人具饌則賓中長者一入舉酒祭地是則長者爲祭酒也

漢書曰吳王賜號爲劉氏祭酒應劭曰禮飲酒必祭示有先也故稱祭酒飲時爲尊長者以酒沃爵也

又曰張安世薦蘇武明習故事奉使不辱命宣帝以武壯節老臣令朝朔望號稱祭酒甚優寵之

續漢書百官表曰建武初置五經博士太常差次有聰明威重者一人爲祭酒總領綱紀

漢書百官表曰博士祭酒一人掌國子學皇明服進賢兩梁冠佩水蒼玉

蜀志曰先主既定益州廣太守夏纂請秦宓爲師友之祭

酒

晉書曰袁瓌字山甫爲國子祭酒時屬經喪亂禮教陵遲瓌上疏求立學徒帝從之國學之興自瓌始也

又曰裴頤爲祭酒奏立太學講堂築門刻石寫五經

晉中興書曰杜夷字行齊以儒學稱中宗以夷爲丞相祭酒中興初皇太子凡三至夷舍執經問義

沈約宋書曰博士秦官也掌通古今員多至數十人有僕射光武增爲十五人並益一經有數家之學故也皆教弟子光武改僕射曰祭酒祭酒者一位之元長也

齊書曰張緒竟陵王子良領國子祭酒武帝敕王晏曰吾欲令司徒辭祭酒以授張緒物議以爲云何子良竟不拜

太平御覽

卷二百三十六

以緒領國子祭酒

齊職儀曰晉今博士祭酒掌國學而國子生師單之祭酒執經葛巾單衣終身致敬

梁書令曰王丞字安期爲國子祭酒丞祖儉父暕並居此職三代爲國師前代未有當時以爲榮賤

崔鴻十六國春秋前秦錄曰建元七年高平蘇通長樂劉祥並以顧學者儒尤精二禮堅以通爲禮記祭酒居于南庠祥爲儀禮祭酒處于西亭堅每月朔旦率百寮親臨講

論

後魏書曰韓子熙累遷國子祭酒子儉儉素安貧常好退

靜遷鄴之始百司並給兵刀時以祭酒閑豫此給二人或

有令其陳謁者子熙曰朝廷不與祭酒兵何開韓子熙事論者稱之

後周書曰盧誕本名恭祖拜給事黃門侍郎魏帝詔曰經師易求人師難得朕諸兒稍長欲命卿爲師於是親幸晉王第敕晉王以下皆拜之于帝前因賜名曰誕又以誕儒宗府爲當世所推乃拜國子祭酒

隋書曰楊汪字元度拜國子祭酒常令百寮就學與之汪講論天下通儒碩學多萃焉論難鋒起皆不能屈帝令御史書其問蒼奏之省而大悅賜良馬一匹

又曰元善遷國子祭酒上嘗親臨釋奠命善講孝經於是敷陳義理兼之以諷諫上大悅曰聞江陽之說更起朕心太平御覽

卷二百三十六

三

賚絹百疋衣一襲

唐書曰許後胤嘗侍太宗講後爲睦州刺史因入朝乞骸骨太宗召問曰朕與卿刺史賚以自養何謂卽求致仕後胤對曰年老筋力不逮望得私第時見闕庭太宗曰卿氣力猶強欲何官也後胤陳謝不敢太宗曰朕昔從卿讀書卿今日從朕求官但言所欲不相違也時國子祭酒缺後胤奏言之因授國子祭酒

風俗通曰孫卿有秀才善爲詩禮易春秋之齊襄王時而孫卿最老師三爲祭酒

齊王酈爲王儉讓國子祭酒表曰竊以庠均義重辰古所崇資師道尊有來攸尙匪曰蘭芷疇變入室之情不自朱

藍何遷素絲之質

司業

唐書曰韋叔夏遷成均司業久視年特下制曰吉凶禮儀國家所重司禮博士未甚詳明成均司業韋叔夏太子率更令祝欽明等博涉禮經多所該練委係叅掌與弘典式自今司禮所修儀注並委叔夏等州定訖然後進奏

又曰歸崇敬卜言司業者義在禮記曰樂正司業正長也言樂官之長司至此業爾雅云大板謂之業接詩周頌設業設簏崇牙樹羽則業是懸鐘磬之簏簏也今太學既不教樂於義則無所取請改司業一爲右師一爲左師位正四品上

太平御覽

卷二百三十六

四

博士

六典曰博士掌教文武官三品以上及國公子孫

應劭漢官儀曰博士秦官也博者通博古今士者辯於然否孝武帝建元五年初置五經博士秩六百石太常差次有聰明威重者一人爲祭酒總領綱紀

漢舊儀曰武帝初置博士取學通有修博識多藝曉古文爾雅能屬文章者爲之朝賀位次中都官吏稱先生不得言君其弟子稱門人也

漢書曰賈誼文帝召爲博士時年二十許最爲少每詔命議下諸老生未能言誼盡爲之對人人各如其意所出

又曰韋賢字長孺魯國鄒人也爲人質樸少欲篤志於學

兼通禮尚書以詩教授號稱鄒魯大儒徵爲博士

又曰公孫弘對策特百餘人太常奏弟居下天子擢之對爲第一名入見容貌甚嚴拜爲博士待詔金馬門也

又曰元鼎中徐偃爲博士使行風俗偃制矯使膠東魯國鼓鑄鹽鐵還奏事張湯刻偃矯制法死偃以爲春秋之義大夫出疆有可以安社稷利萬人專之可也湯不能詰東觀漢記曰甄宇拜博士每臘詔賜博士羊人一羊有大小肥瘦時議欲殺羊分肉宇因取瘦者自是不復爭後召會詔問瘦羊博士所在京師以爲號

又曰歐陽欽具先和伯從伏生愛尚博士於欽七世皆爲博士敦於經學恭儉好禮

太平御覽

卷二百三十六

五

後漢書曰光武每朝會輒令桓榮於公卿前說經書旁稱善曰得生幾晚會博士缺帝欲用榮榮叩頭讓曰臣經術淺薄不如同門生郎中彭闕揚州從事臯弘帝曰俞往汝諸因拜榮爲博士

又曰董鈞永平初爲博士時草創五郊祭祀及宗廟禮樂威儀章服輒令鈞叅議多見從用嘗世稱通儒

草矯後漢書曰初欲立左氏傳博士叔叔以爲左氏淺末不宜立陳元聞之乃詣闕上疏爭之更相辯對凡十餘士帝卒立左氏學也

漢舊儀曰孝文皇帝時博士七十餘人朝服立端章甫冠魏志曰樂柢字文載少好學黃初中徵拜博士於時太學

初立博士十餘人學多偏僻不敢親教備員而已准文載五葉並授

又曰文帝黃初五年大學置五經課試之法置春秋穀梁博士

又曰明帝太和一年詔曰專儒貴學學教之本也自頃儒官或非其人將何以宣明聖道其高選博士才在中常侍者

吳志詔曰古道建國教學爲光所以道世治性爲養時器也自建興已來時事多故吏民頗以目前趨務去本務末不循古道夫所尚不涼則傷化敗俗其案古置學官立五經博士核取應選加其龍祿科吏之中及將吏子弟有志太平御覽

卷二百三十六

六

學者各令就業一歲課試差其品第加以位賞使見之者樂其榮聞之者羨其譽以敦王化以隆風俗

晉令曰博士皆取履行清涼通明典義若散騎中博侍郎太子中庶子以上乃得召試諸生有法度者及白衣試上高等拜郎中

晉書載記曰姚泓受經于博士淳於岐岐病親詣省病拜於牀下自是公侯見師傅皆拜焉

後魏書曰崔逸字景攜好古博涉爲國子博士每因公事逸常被詔獨進博士特命自逸始之

後周書曰盧辯字景宣爲大學博士以大戴禮未有解詁辨乃註之其兄景裕爲當時領袖儒謂辯曰昔侍中註小戴

今爾註大戴庶纂前修矣

隋書曰馬光開皇初高祖徵山東義學之士光與張仲讓孔籠竇士榮張黑奴劉祖仁等俱至並授太學博士時人號爲六儒未幾唯光獨存嘗因釋奠高祖親幸國子學王公以下畢集光升座講禮啟發章門已而諸儒生以次論難者十餘人皆當時碩學光剖析疑滯雖辭非俊辯而理義弘贍論者莫測其淺深咸共推服上嘉而勞焉

又曰王頰授著作佐郎尋合於國子講授會高祖親臨釋奠國子祭酒元善講孝經頰與相論難詞義鋒起善往往見屈高祖大奇之超授國子博士

又曰何妥字棲鳳西城人也授太學博士帝初欲立五后太平御覽

卷二百三十六

七

以問儒者亭彥之對曰后與天子匹體齊尊不宜有五妥駁曰帝嚳四妃舜又二妃亦何常數由是封襄城縣伯

又曰房暉遠字崇儒恒山真定人也爲國子博士會上令國子生通一經者並悉薦舉將擢用之既策問訖博士不能時定臧否祭酒元善怪問之暉遠曰江南河北義例不同博士不能遍涉學生皆持其所短稱己所長博士各各自疑所以久而不決也祭酒因令暉遠考定之暉遠覽筆便下初無疑滯或有不服者暉遠司其所傳義疏輒爲始末誦之然後出其所短自是無敢飾非者所試曰五百人數目便決諸儒莫不推其通博

魯國先賢傳曰漢文帝時聞申公爲詩最精以爲博士申

公爲詩傳號曰魯詩

李邠別傳曰邠上書太后數陳忠言其辭雖不盡施行輒有策詔褒贊焉博士著兩梁冠朝會宜隨士大夫例時賤經學博士乃在市長下公奏以爲非所以儒德明國體也上善公言正月大朝引博士公府長史前

殷氏世傳曰殷亮建武中徵拜博士遷講學大夫諸儒論勝者賜席亮席至八九帝嘉之曰學不當如是耶

典畧曰公儀休者魯博士也爲魯相無所變更百官自正使食祿者不得與下民爭利

論衡曰王莽之時省五經章句博士弟子郭畧夜定舊說死於燭下

太平御覽

卷二百三十六

八

少府監

六典曰少府監之職掌百工技巧之政令總中尙左尙右尙職治掌治上五署之官屬正其工徒謹繕作少監爲之貳

漢官宰尹下曰少府言別爲小藏故曰少府

漢書曰少府奉官掌山海池澤之稅以給供養

又曰歐陽地余字長賓爲少府誠其子我死官屬送汝財物慎勿受汝九卿儒者子孫以廉潔著可以自成及卒少府官屬送數百萬其子不受天子聞而嘉焉賜錢百萬

後漢書曰東平王蒼爲驃騎正月朔朝蒼當入賀故事少

府給壁時陰就爲少府貴傲不奉法漏將盡求壁不得蒼

掾朱暉遙見少府主簿持壁乃往給曰議請觀之既得而馳奉之就復以他壁朝

張璠漢紀曰太常種拂與李儒戰而死子劭徵爲少府鴻臚皆不受曰我父盡忠於朝而爲時所妬父以身殉國爲賊臣所害爲臣子不能除賊何面目復覲明主之輔聞之爲之感動

應劭漢官儀曰少府掌山澤陂池之稅名曰棗錢以給私養自別爲藏少者小也故稱少府

魏志曰王觀字偉臺東郡廩丘人也徙少府大將軍曹爽使材官張達斫家屋材及諸私用之物觀聞之皆錄奪以沒官少府統三尚方御府藏珍玩之寶爽等奢放多有干

太平御覽

卷二百三十六

九

求憚觀守法乃徙爲太僕

又曰先主遣少府 祥至魏魏太祖謂祥曰孤比者右越之橫江之津與孫將軍遊姑蘇之臺獵長沙之苑吾足矣祥對曰大王欲奉 尊以合諸侯若越橫江而遊姑蘇是踵亡秦而蹈夫差忍天下事去矣太祖曰徐生得毋逆詐耶

臧榮緒晉書曰陳耽字國鎮過江爲少府卿時大旱經久

大興四年四月始雨有司奏應報賽宗廟山川中宗詔

祈廟云報賽非奉尊尊 也吾意有疑耽以爲舊山川有許報故雨應賽非大事不應告廟子無要君親之道讀祭

舊義於義有違從之

唐書官品志曰少府卿位視尚書左丞置材官將軍左中
尚方甄官平水中署南塘邸稅庫東西治平黃細作炭庫
紙官柴署等今丞

將作監

六典曰將作大匠之職掌供邦國修建土木工匠之政總
四署三監百工之官屬以供其職事少匠貳焉

漢書曰將作少府秦官掌治宮室

范曄後漢書曰魏霸徵拜將作大匠明年和帝崩典作順
陵時盛冬地凍中使督促數爵掾吏以厲霸霸撫循而已
初不切責而反勞之曰今諸卿被辱大匠過也吏皆懷恩
力作切倍

太平御覽

卷二百三十六

十

續漢書曰曹哀字叔通遷將作大匠時有疾疫巡行病徒
自省醫藥糜弱死者減少

又百官志曰將作秩二千石掌作宮廟路寢宮室丞一人
六百石左右校令左右王徒掌木工之功并樹桐梓之類
列于道側

又曰李固字子堅遷大匠常推賢士孔融以將作大匠遷
少府也

華嶠後漢書曰應順字仲華爲將作大匠發摘衆奸皆極
其刑豪猾之吏累迹視事五年省費以億萬

應劭漢官儀曰世祖中興以謁者領其官軍章建初元年
乃置其位次河南尹永元七年大匠應慎上言百郡計吏

觀國之光而舍逆旅崎嶇私館貢籠之物朽濕曝露皆晉
霸之盟王耳今諸侯方隸人鄭子產以爲大譏况今四海
之大而可無乎和帝嘉納之

魏志曰楊阜字義山天水冀人也爲將作大匠時初治宮
室發美女以充後庭阜上疏欲省宮人諸不見幸者乃召
御府吏問後宮人數吏守舊令對曰禁密不得宣露阜怒
杖吏一百數之曰國家不與九卿爲密反與小吏爲密乎
帝聞之而愈敬憚帝營洛陽宮殿觀閣阜上疏天子感其
忠言手筆詔荅每朝廷會議阜常侃然以天下爲己任
晉書曰將作大匠陳騶掘地得古文尙書奏今文長于古
文宜以古爲正潘岳以爲習用久不宜復改

太平御覽

卷二百三十六

十一

唐書官品志曰大匠卿位視太僕掌土木之士統左右校
諸署

汝南先賢傳曰應仲華遷大匠除藻飾之無用割有損之
洋費凡所省息七億餘萬

職官部五十五

總敘將軍

左右衛將軍

諸衛將軍附

右衛金吾衛將軍

諸衛上將軍

總敘將軍

石氏中官占曰河鼓星主軍鼓一日三星天子三將軍中
央大星為大將軍左星為左將軍右星為右將軍所以備
闕梁而距難也

周禮夏官上曰大司馬之職凡制軍萬有二千五百人為

軍一鄉之民也凡徒役從家一人也

王六軍

六卿之數也卿治文教軍定武功其道皆兼三才而兩之

故數俱六也

大國三軍

公侯之封也成國不過半天子之一軍

次國二軍

諸伯之封小

太平御覽

卷二百三十七

一

國一軍

子男之封

軍將皆命卿

同見六軍之人同於六卿之大夫春秋之凡例國有正卿為將

軍又以脩卿一人為後因執政者食其權遂以陵運皆非周公之舊也

左傳襄公二年曰晉蒐于綿上以治兵使士丐將中軍辭

曰伯游長昔臣習於知氏是以佐之非能賢也諸從伯

游使荀偃將中軍士丐佐之使韓起將上軍辭以趙武

孝經左契曰將軍順虎銜珠大夫正海出魚

史記曰齊景公召穰苴與語大悅以為將軍兵扞燕

又曰孝文後六年匈奴入上郡周亞夫為將軍居灃上祝

茲侯

徐廣曰表作松茲姓徐各悍也

軍棘門以備胡

漢書曰楚王召宋義計事而悅之因以為將軍

范曄後漢書曰靈帝時望氣者以為京師當有大兵兩宮

流血大將軍司馬許源說何進曰太公六韜有天子親于兵事可以威壓四方詔進大發兵講武于平觀下起大壇上建十二重五采華蓋高十丈壇東北有小壇復九重華蓋高九丈引步兵騎士數萬人結營爲陣天子親出臨住大華蓋下進住小華蓋下禮畢帝躬擐甲上馬稱無上將軍行陣三匝而還

魏志云太祖令曰司馬發將軍死綬

魏書曰雖却也有角一尺無脚一寸也

尸子曰十萬之軍無將軍必亂

左右衛將軍

六典曰左右衛大將軍之職掌統領宮庭警衛之法令以督其屬之隊仗而總諸曹之職務其左右驍衛左右武衛

太平御覽

卷一百三十七

二一

左右威衛左右領軍衛將軍所掌之職皆如之

晉書曰羊琇爲晉臺左衛將軍

又曰吳隱之遷左衛將軍雖居清顯祿賜皆班親族冬月無被嘗澣衣乃披絮勤苦同於貧庶

何法盛晉中興書曰南頓王宗字延祖拜左衛將軍爲肅祖所昵委以禁旅

又曰王垣之字文度領左衛少有風格尙刑名之學嘗著廢庄論

又曰虞譚陳畧曹毗毛安之並爲左衛將軍

沈約宋書曰左右衛將軍晉文建國所置

隋書曰薛世雄性廉謹凡所行軍破敵之處秋毫無犯帝

由是嘉之帝嘗從容謂羣臣曰我欲舉好人未知誅軍識
否羣臣或曰臣等何能測聖心帝曰我欲舉者薛世雄羣
臣皆稱善岳復曰世雄廉正節槩有古人之風於是超拜
右翊衛將軍

陽帝以左
右衛爲之

唐書曰元和中以前靈鹽等節度使在秘爲右衛將軍秘
在鎮無志畧以馭以居常猜忌及多敘人以懼之衆益不
附乃召至踰月而授以衛將軍凡將相出入皆翰林草制
謂之曰麻祕始以責罷中書草制

隋書曰來護而兒煬帝卽位遷右驍衛大將軍帝甚親重
之大業六年從駕江都賜物千段令上先人塚宴父老州
里榮之

太平御覽

卷二百三十七

三

魏志曰許從太祖戰大破馬豈等乃遷武衛中郎將武衛
之號自此始也文帝踐祚遷武衛將軍

又曰曹爽自散騎常侍轉武衛將軍爽秉政又以弟訓爲
武衛將軍

王敦別傳曰敦子應字安期官至武衛將軍

隋書曰獨孤盛爲左屯衛將軍宇文化及之作亂也裴處
通引兵至武象殿宿衛者皆釋伏而走盛謂處通曰何物
兵形勢太異也處通曰事勢已然不預軍事慎無動盛大
罵曰老賊是何物話不及披甲與左右十餘人逆拒之爲
亂兵所殺

唐書曰咸通中以良官李可及爲威衛將軍曹雄執奏曰

臣覽十觀故事太宗初定官品令文武官共六百四十一員顧謂房玄齡曰朕設此官員以待賢士工商雜色之流假令術踰齊類止可厚給財物必不可超授官秩與敬賢君子比肩而立同坐而食太和中玄宗欲以第官尉科導爲王府率十遺寶荀直極諫乃改授光州長史伏乞以兩朝故事別授可及之官帝不之聽

又曰高祖以李粲爲左監門大將軍禮高年也初高祖問粲年幾對曰八十高祖曰公清幹之譽聞於隋曰今年齒雖邁筋力未衰但監門之職非公莫可意欲相委如何粲以年老辭讓高祖曰籍公處分耳豈欲煩公筋力耶於是粲自非殿庭皆乘蜀馬論才榮之

太平御覽

卷二百三十七

四

又曰王及善除右千牛衛將軍高祖謂曰朕以卿忠謹敕與卿三品要職化以非搜辟不得至朕所卿佩大橫刀在朕側知此官貴否

又曰李聽元和中爲羽林將軍有名馬穆宗在東宮令近侍諷聽獻之聽以職總親軍不敢從及卽位之始幽冀不近太原與二鎮接境方義易師宰官進擬上皆不允謂宰臣曰李聽爲羽林將軍不脫馬是必可任

五代史云周廣順二年十二月詔改左右威衛復爲左右屯衛避太祖諱也

左右金吾衛將軍

六典曰左右金吾衛大將軍之職掌宮中及京城晝夜巡

警之法以執禦非違

百官表云秦曰中尉掌徵巡京師

如淳曰所謂遊激激循禁五盜貳屯顏師古曰

豈謂所為之也音工鈞反漢武帝太初元年更名執金吾

應劭曰吾者禦也常執金

革以禦非常也顏師古曰金吾鳥名也主辟不祥天子出職主先導以俗非常故執此鳥之象因以名官也

緹

騎二百人輿服導從車騎滿路羣僚之中斯故壯矣舊掌

京師盜賊考按疑事漢郅都甯成王温舒減宣等皆截理

橫噬虎而冠者也止切理辨亦旋

黜又置執金吾丞後

漢掌宮外戒司非堂水火之事

衛惠逆行宮中金吾微循宮外為表裏以捕奸討猾

自三繞行宮外及主兵器自中與之但專徵巡不與之他

改又有執金吾吏文學執金吾佐執金吾員吏魏武乘政

復為中尉晉初罷直至後周置武環率武侯率下大夫各

太平御覽

卷二百三十七

五

二人隨置左右武侯府大將軍一人將軍三人掌車駕出

入先駟後殿晝夜巡察執捕奸非峯候道路水草所宜巡

狩田師則掌其營禁煬帝大業三年改為左右武侯衛所

掌軍事名伏飛

漢官表曰漢有左戈令武帝太初元年漢名伏飛掌科射屬少府光武省之隋氏馬

舊名

唐初又為左右武侯府

貞觀十年十二月馬周奏京域諸街置鼓罷傳呼

龍朔二年改為左右金吾置衛大將一人所掌與隋同將

軍二人副其事

領官屬並隋置六唐因之

後漢書曰初光武適新野聞陰后美心悅之後至長安見

執金吾車騎甚盛因歎曰任官當作執金吾娶妻當得陰

麗華

漢官宰尹下曰吾禦也常執金革以禦非常緹騎二百人

五百一十人輿馬道從充滿放路世祖爲時歎曰仕宦當作執金吾是也

漢書百官公卿表曰秦名曰中尉掌徼巡京師有兩丞侯司馬十兵人武帝太初元年更名執金吾

又曰母將隆字君房東海蘭陵人也遷執金吾時侍中董賢方貴上使中黃門發武庫兵前後十輩送董賢及上乳母王阿舍隆奏武庫兵器天下公用國家武備繕治造作皆度大司農錢蘇林曰用度皆出大司農大司農錢自乘輿不以給供養共養勞賜壹出少府蓋不以本臧給末用不以民力供浮費別公私示正路也

又曰郅都河東太陽人也遷爲中尉丞相條侯至居也而太平御覽 卷二百三十七 六

都揖丞相是時民樸畏罪自重而都獨先嚴酷行法不避貴戚列侯宗室見都側目而視號曰蒼鷹

東觀漢記曰馬防字孝孫拜執金吾性矜嚴公正主日處議多視用

續漢書曰陰識拜執金吾位特進入則極言正諫至與

賓客語不及國事常慕仲山甫匪躬之節所用掾史皆

得天下俊哲虞羽導督等是也

又曰朱浮字叔元爲執金吾帝以二千石長史不堪任時有纖微之過者必見斥罷交易紛擾百姓不寧六年有日蝕之異浮因而疏切諫自是州郡奏長史二千石不任位

者事皆先下三公遣掾史案然後黜退

又曰秩中二千石堂外司非常水火之事且三繞行宮外
又主兵器丞一人比千石

華嶠後漢書曰賈復爲執金吾更始歐王尹尊及諸將反
上召諸將議以檄叩地曰歐最强宛之復率爾對曰之臣
請繫歐上笑曰執金吾繫歐吾復何憂耶

又曰耿秉爲人威重有謀畧拜執金吾每行幸秉恒領宿
衛

謝承後漢書曰梁冀執金吾歲胡托疾不朝司隸揚雄治
之詔以二月俸贖罪

漢雜事曰辛慶忠明略武重任國柱石爲執金吾

魏書曰臧霸與曹休討吳破賊呂範於洞浦徵爲執金吾

太平御覽 卷二百三十七 七

每有軍事帝咨訪焉

又曰崔琰遷中尉琰聲姿高暢眉目疎朗鬚長四尺七寸
有威重朝士瞻望太祖亦嚴憚焉

又曰徐棄太祖以爲中尉手令曰昔楚有子已文公爲之
側席汲黯在朝淮陽爲之折謀詩稱邦之司直君之謂也

唐書曰高祖以徐世勳爲右武侯大將軍

隋大業三年人唐初並爲左右
復爲左右金吾 詔曰念功愛善哲王彛訓紀德親賢自

國通典黎州總管同國公世勳本自黎陽擁徒歸順任以
藩兵誠効克彰節義不諭夷險無變信同金石操擬松筠
宜加寵命用超桓序可賜姓李氏

又曰趙道真觀初歷左武侯中郎將明閑宿衛號爲

稱職太祖嘗謂之曰卿父爲隋武侯將軍甚有當官之譽卿今克傳弓冶可謂不墜家聲因授右武侯將軍其父時廨宇仍舊不改時人以爲榮

又曰裴諝爲右金吾將軍建中初上以刑名理天下百吏震悚時十月禁屠以甫近山陵禁益嚴尙父汾陽王郭子儀隸人殺羊以門者覺之諝列奏狀上以爲不畏強禦累遣宣諭或謂諝曰郭公有社稷功豈不爲蓋之諝笑曰非爾所解且郭公威儀權太盛上新卽位必謂黨附者衆今發其細過以明不弄權耳吾上以盡事君之道下以安大臣不亦可乎

又曰臧希讓爲金吾大將軍骯髒好談時政屢以理體上

太平御覽

卷二百三十七

八

于公卿詔令集賢院待制希讓無學術及處近地從容公卿問強引文言以自賢而所聞知多道途河之發心羗謬頗爲士子所笑

諸衛上將軍

唐通典曰魏黃中初始有上大將軍以曹貞爲之吳亦以陸遜爲上大將軍後周建德四年增置上大將軍隋並以爲武散官不理事上大將軍從二品

又曰唐武德初秦王旣平王世克及竇建德高祖以秦王功殊古今自昔位號不足以爲稱乃特置天策上將軍以拜焉位在王公上

又曰貞元二年九月詔曰六軍先已各置統軍一人今十

六衛宜各置上將軍一人秩從其品繇是上將軍之官始
列於品位

太平御覽

卷二百三十七

九



太平御覽卷第二百三十七終

太平御覽卷第二百三十八

職官部三十六

大將軍

察屬附

車騎將軍

驃騎將軍

驍騎將軍

衛將軍

前將軍

後將軍

左將軍

右將軍

大將軍

史記曰武帝伐匈奴以衛青爲大將軍位在諸公上公卿晉拜唯汲黯獨揖有言大將軍尊貴不宜小黯曰大將軍有揖客獨不貴耶青聞之愈重黯

漢書曰武帝以霍光爲大將軍輔昭帝田千秋爲丞相及昭帝初卽位未任聽政事一決于大將軍光千秋居相位太平御覽卷二百三十八一
謹厚有重名光謂千秋曰始興君俱受先帝遺詔令之光治內君侯治外宜有以教督使光無負天下千秋曰唯將軍畱意卽天下幸甚終不有所言

後漢書曰韓稜字伯師潁川舞陽人竇憲爲大將軍威震天下復出屯武威會帝西祠園陵詔憲與車駕會長安及憲至尙書以下議欲拜之伏稱萬歲稜正色曰夫上交不諂下交不躡禮無人臣稱萬歲之制議者皆慙而止又曰詔鄧騭班師朝廷以太后故遣五官中郎將迎拜騭爲大將軍到河南使大鴻臚親迎中常侍賫牛酒効勞王主以下俟望於道卽至大會羣臣賜束帛焉

應邵漢官儀曰和帝以竇憲爲大將軍乃冠三公

又曰梁冀爲大將軍以三世姻媾授立之功公卿希有此同霍舉高第茂才官屬皆倍餘府

魏志曰文帝以孫權爲大將軍吳王加九錫

又曰太傅司馬王宣奏免曹爽皇太后詔召高文惠假節行大將軍事據爽宮太傅謂曰君爲周勃矣

後魏書曰莫題有謀策爲大將軍平慕容麟賜爵東宛侯後太祖欲廣宮宇規度平城四方數十里將模鄴洛長安之制運材數百萬以題機巧令監定焉

陳思王輔臣論曰知慮深奧淵然難測恭以奉上愛以接下納言左右爲帝喉舌曹大將軍也

寮屬附

太平御覽 卷二百三十八 二

華嶠後漢書曰崔駰字亭伯辟大將軍竇憲府掾憲新輔政貴重掾二十人皆故刺史二千石唯駰以處士年少擢在其間憲擅權驕恣駰數諫之出爲長岑長不得意不之官而歸

華嶠後漢書曰馬融字季長爲大將軍鄧騭舍人

晉陽秋曰義興周延爲奉轉尚書遷大將軍諮議叅軍

車騎將軍

漢書曰元光年以中尉程不識爲車騎將軍屯鴈門

應邵漢官儀曰帝以元舅馬防爲車騎將軍銀印青綬

吳志曰孫一奔魏以一爲車騎將軍儀同三司封吳侯以

故王芳貴人邢氏妻之邢美色妬忌下不堪命遂共殺一

及邢氏

蜀志曰鄧芝字伯苗義陽新野人益州從事張裕善相芝往從之裕謂芝曰君年過七十位至大將軍封侯爲車騎將軍賞罰明斷善卹卒伍身之衣食資仰於官不苟素儉然終不治私產妻子不免飢寒死之日家無餘財

後魏書曰王衍字文舒出爲散騎常侍征東將軍西兗州刺史衍屆治未幾屬叅朱仲遠稱兵內向州旣路衝爲其攻逼衍不能守爲仲遠所擒以其名望不害也令其騎牛從軍久乃見釋還洛除車騎將軍

隋書曰長孫覽周武帝在藩與覽親善及卽位彌加禮焉超拜車騎大將軍每公卿上奏必令省讀覽有口辨聲氣雄壯凡所宣傳百僚屬目帝每嘉歎之覽初名善帝謂之曰朕以萬機委卿光覽遂賜名焉

驃騎將軍

漢書曰武帝以霍去病爲嫫姚校尉征匈奴累有功寵冠羣臣置驃騎將軍秩與大將軍同

又曰明帝卽位以東平王蒼爲驃騎輔政問東閣延英雄及蒼歸國有驃騎時吏丁牧周相以蒼敬賢下士不忍去之遂爲王家大夫數十年事祖及孫帝聞褒美

又曰驃騎將軍漢官曰長史司馬各一人金瑋紫綬五時朝服武冠佩山玄玉光武中興諸將皆稱太後天下旣定

武官悉省

東觀漢記明帝詔曰東平王蒼寬博有謀可以託六尺之孤臨大節而不可奪其名以蒼爲驃騎將軍

又曰張意拜驃騎將軍討東甌備水戰之具一戰大破所向無前

又曰其將軍不常置此公者父有驃騎將軍建武二十年復置驃騎將軍位次公有長史一人

後漢書曰劉隆字元伯爲驃騎將軍行大司馬事隆奉法自守視事八歲上將軍印綬罷賜養牛上樽酒十斛

應劭漢官儀曰漢興置驃騎將軍次相

隋書曰崔彭字子彭博陵安平人也轉驃騎將軍恒典宿衛性謹密在省闈二十餘年每當上在使危坐終日未嘗

太平御覽

卷二百二十八

四

有怠惰之容上甚嘉之上每謂彭曰卿當上日我寢處自安又嘗曰卿弓馬固以絕人頗知學不彭曰臣少愛周禮尚書每於休沐之暇不敢廢也上曰試爲我言之彭因說君臣戒慎之義上稱善

韋昭辨釋名曰驃騎將軍騎將軍秩比三公辨云此二將軍秩本二千石

世說曰何驃騎帝第五以高情遜避而驃騎合仕對曰然第五之稱何必減之驃騎

陳思王輔臣論曰魁傑雄特秉心平直威嚴足憚風曰草靡戎昭果毅折衝厭難者司馬驃騎

梁簡文帝讓驃騎揚州刺史表曰常願侯服就列希同特

進之班角巾還帝不競龍讓之貴而天澤無涯名器總集竊以驃騎之官旣爲上將神州之重實號上中故以彈壓六戎寇冕九牧豈止司隸絳節金吾緹騎况復任總皇幾位重連率何則驃騎之號歷選爲重元狩之中始自去病永平之達持受劉蒼齊獻爲公主所申吾漢因羣臣之舉驃騎將軍

漢書曰李廣爲驃騎將軍後出雁門擊匈奴匈奴生得廣七時傷陽死睨傍胡兒善馬漸騰而上南馳得脫廣亡失多當斬贖爲庶人

東觀漢記曰光武以劉桓爲驃騎將軍攻中山又曰建武九年以劉喜爲驃騎將軍攻琢郡

太平御覽

卷二百二十八

五

華嶠後漢書曰馬成字軍遷拜驃騎將軍北屯常山積有數年上以其勤勞徵歸京師邊民多上書請之上復以成鎮撫之

魏志曰任成威王彰字子文性勇而鬚黃爲驃騎將軍比出塞爲寇所要彰獨與麾下數百騎突虜王太祖聞之曰我黃鬚兒定可用也

又曰董卓立獻帝表太祖爲驃騎將軍與計事太祖乃變姓名間行東歸

齊書曰江數爲侍中轉都官尙書領驃騎將軍王晏啟武帝曰江數今重登禮閣兼寄六軍慈渥所單實有優忝但語其事任始同閑輩天旨旣欲升其名位愚謂以侍中領

驍騎望實清顯有殊納言上曰數常啟吾爲其真中惡今
旣以何亂王瑩還門下故有此迴換耳

衛將軍

漢書曰文帝至渭橋羣臣奉天子法駕迎代邸皇帝卽日
夕入未央宮夜拜宋昌爲衛將軍領南北軍

又曰文帝三年遣灌嬰擊匈奴發中尉材官兵屬衛將軍
長安

晉書曰虞潛字奧七爲衛將軍貌如不武內實堅明

前將軍

漢書曰前後左右將軍皆周末官秦因之位亞上卿金印

紫綬

太平御覽

卷二百三十八

六

又曰武帝征西夷有前後左右將軍宣元以後雜錯更置
或爲前或爲後或爲左或爲右雖不出征猶有其官在諸
卿上爲國爪牙所以揚示威靈於四遠折衝萬人如虎如

罷

又曰左右前後將軍皆周官也秦官因置以征四夷後雖
不征伐其官常存

又曰傅喜爲右將軍傅太后與政喜數諫后不悅上印綬
病在家上疏固請乃拜前將軍

又曰張遼字文遠鴈門馬邑人也犇一之後以避冤變姓
少爲羣吏或力過人文帝卽位轉前將軍又黃初二年遼
至洛陽宮文帝引遼會建始殿親問破吳意狀帝歎息顧

左右曰此亦古之郡虎也

蜀志曰費詩字公舉犍爲南安人也先主爲漢中王遣詩拜關羽爲前將軍羽聞黃忠爲後將軍怒曰大丈夫終不與老兵同列不肯拜受詩謂羽曰夫立王業者所用非一昔蕭曹與高祖少小親舊而陳韓臣命後至論在班列韓最居上未聞曹蕭以此爲怨今漢王以一時之功隆崇於漢室然意之輕重寧當與君侯齊乎且王與君侯譬猶一體同休等戚禍福共之愚謂君侯不計宜官號之高下爵位之崇卑也僕一介之士銜命之臣君侯不受拜如是便還但相謂惜此舉動恐有後悔耳羽大感悟卽拜受後魏書曰谷楷昌黎人濮陽渾曾孫也稱有幹局遷前軍太平御覽 卷二百二十八 七

將軍楷眇一目而性甚嚴忍時人號爲瞎虎

後將軍

漢書曰趙充國爲後將軍西羌反上使御史大夫邴吉問誰可將者充國時年已七十餘對曰無踰於老臣者矣遣問焉曰將軍度羌虜何如當用幾人充國曰百聞不如一見兵難踰度踰遠也臣遠馳至金城圖上方畧然羌戎小夷逆天背叛滅臣不久願陛下以屬老臣勿以爲憂

東觀漢記曰邳彤字季高信都人也爲曲陽卒正更始卽位上以大司馬平河北至曲陽彤舉城降後爲大將軍魏志曰曹洪爲文帝所廢明帝卽位拜後將軍

蜀志曰黃忠字漢叔先主爲漢中王欲用忠爲後將軍諸

葛亮說先主曰忠之名望素非關馬之倫而今便合同列馬張在近親見其功尚可喻指關羽遙聞之恐必不悅得無不可乎先主曰吾自當解之遂與羽等同位賜爵關內侯

晉中興書曰應詹字思遠太興二年爲後軍將軍

晉起居注曰大始八年置後軍將軍掌宿衛

左將軍

漢書曰公孫賀封南雍

雍音芳孝反

以左將軍出定襄無功失

俟

又曰辛慶忌字子眞爲左將軍爲國虎臣匈奴西城親附敬其威信

太平御覽

卷二百三十八

八

東觀漢記曰賈復字告文治尚書事舞陰李生李生奇之諧門人曰賈生容貌志意如是而勤於學此將相之器灑諧洛陽拜左將軍南擊赤眉新城轉西入關擊盆子於灑池破之

魏志曰文帝卽位以李邵爲左將軍詔邵與曹貞討安定盧木胡及東羗

晉書曰官名臣曰王濟字武子起家中書郎遷左軍將軍山濤啟事曰左將軍裴措通理有才義

右將軍

漢書曰常惠以明習外內事勤勞數有功爲右將軍

又曰何武薦辛慶忌宜在爪牙乃拜爲右將軍

魏志曰徐晃字公明爲右將軍性儉約畏慎爲將軍遠斥
俟歎曰古人患不遭明君今我遇之當以功自効

蜀志曰諸葛亮字孔明瑯琊陽都人上疏曰臣以弱才叨
竊非據親秉旄鉞以厲三軍不能訓章明法臨事而懼至
有街亭違命之闕箕谷不戒之失咎皆在臣授任無方臣
明不知人臨事多闇春秋責帥臣職是當請自貶三等以
督厥咎於是以亮爲右將軍行丞相事所總統如前
何法盛晉中興書曰郭默爲右軍將軍默既遠人樂爲邊
將不願內轉謂劉亂曰我能衛胡而不用更用虛名者且
右軍主禁兵禁兵不妄出有急方便配給兵將無素是謂
棄之安得个亂

太平御覽

卷二百三十八

九

又曰王羲之字逸少導之從子也幼訥於言人未之知年
十三嘗見周覲異之時軍牛心炙座客未啖先割啖之義
之於是聞名及長尤善草隸書爲今古冠絕累遷爲右將
軍不樂京師遂往會稽與謝安孫綽等遊處山陰有道
士養羣鵝羲之意甚悅道士云爲寫黃庭經當舉羣相贈
乃爲寫訖籠鵝而去

太平御覽卷第二百三十九

職官部三十七

四征將軍

征東將軍

征西將軍

征南將軍

征北將軍

四鎮將軍

鎮東將軍

鎮西將軍

鎮南將軍

鎮北將軍

四安將軍

安東將軍

安西將軍

安南將軍

安北將軍

太平御覽

卷二百三十九

一

四平將軍

平東將軍

平西將軍

平南將軍

平北將軍

雜號將軍上

鎮軍將軍

撫軍將軍

征虜將軍

冠軍將軍

輔國將軍

領軍將軍

護軍將軍

中軍將軍

遊擊將軍

積射將軍

積弩將軍

強弩將軍

殿中將軍

員外將軍

直閣將軍

征東將軍

魏志曰張遼字文遠為征東將軍征孫權披甲戰先陷陣

衝壘入至權麾下

又曰滿寵字伯寧爲征東將軍詔曰君典在外專心憂公賜田十頃穀五百斛錢二十萬以明清忠儉約之節

晉書王渾平吳轉征東大將軍復鎮壽陽渾不尚刑名處斷明允時吳人新附頗懷畏懼渾撫循霸旅虛懷緩納座無空門席不停賓於是江東之士莫不悅附

征西將軍

東觀漢記曰馮異爲征西將軍入關征赤眉

又曰耿秉爲征西將軍嶺撫單于及薨南單于舉國發喪犁面流血

魏志曰夏侯淵字妙才爲征西將軍守漢中

太平御覽

卷二百三十九

二

後魏書曰陸貞代人也少善騎射數從征伐所在摧鋒陷陣前後以功爲征西將軍

征南將軍

魏志曰夏侯尚字仁伯淵從子也文帝與之親友太祖定冀州尚尚軍爲司馬常從征討遷征南將軍

又曰曹仁爲征南將軍鄢陵侯彰北征烏丸文帝在東宮爲書戒彰曰爲將奉法不當如此耶

晉書曰羊祜爲征南將軍寢疾求入朝旣至洛陽會景獻梓宮在殯哀慟至篤中詔申諭扶疾引見命乘輦入殿無下拜甚見優禮

後魏書曰馬景之字洪畧晉汝南王亮之後太宗時歸

封蒼梧公加征南大將軍

征北將軍

魏志曰杜恕爲幽州刺史時征北將軍程嘉屯前尚書袁
侃等戒恕曰程中伯今俱杖節共屯一城宜深有以禮之
沈約宋書曰衡陽王義季爲征北將軍徐州刺史

鎮東將軍

魏志曰臧霸字宣高太山華陰人也亡命東海以壯勇聞
太祖募索得霸見而悅之以爲瑯琊相文帝卽位遷鎮東

將軍

鎮西將軍

魏志曰賈員字子丹文帝卽位以員爲鎮西將軍

太平御覽

卷二百三十九

三

蜀志曰馬超父騰靈帝未與邊章韓遂等俱起居事於西
州初平三年遂騰率衆詣長安漢朝以遂爲鎮西將軍遣
還金城騰爲征西將軍

鎮南將軍

蜀志曰黃權字公衡伐吳敗於白帝旣附魏文帝曰君捨
逆順欲追蹤陳韓權曰臣降吳不可歸蜀無路是以歸命
敗軍之將免死幸焉何古人之可冀帝善之拜鎮南將

軍

吳志曰呂岱旣定交州進討九真斬獲萬數又遣從事南
國宣化及徼外扶南外邑堂明諸王各遣使奉貢權嘉其
功進拜鎮南將軍

晉書曰社預爲鎮南將軍繕兵甲曜威武乃簡精銳龔吳西陵督張攻大破之以功增封三百六十五戶政吳之名將也據要害之地恥以無備取敗不以所喪之實告子孫皓預敢聞吳邊將乃表退所獲之衆於皓皓果召政遣武昌監劉憲代之故大軍臨至使其將帥移易以戒傾蕩之後漢書曰唐和諸闕世祖優之待以上客高宗以和歸誠先朝拜鎮南將軍

鎮北將軍

魏氏春秋曰許元字士宗爲鎮北將軍都督河北諸軍事蜀志魏延字文長先主大會羣臣問延曰今委卿以重任太平御覽卷二百三十九四卿居之欲云何延對曰若曹操舉天下而來清爲大王拒之偏將十萬之衆至請爲大王吞之先主稱善衆咸壯其言先主踐尊號進拜征北將軍

晉書曰何曾爲鎮北將軍文帝使武帝齊王攸送之帝文過其子曾先勅邵曰客必過汝汝當預嚴邵不冠帶侍帝良久曾深以爲譴邵曾見崇重如此

安東將軍

王隱晉書曰武帝伐吳以王渾爲安東將軍

晉公卿禮秩曰世祖以扶風王駿爲安東大將軍

安西將軍

魏志曰曹仁字子孝太祖從弟也少好弓馬弋獵俊豪並

起仁亦陰結少年周遊淮泗之間遂從太祖爲別部司馬
太祖討馬超以仁爲安西將軍

安南將軍

謝承後漢書曰光武以岑彭爲安南將軍

安北將軍

沈約宋書曰劉秀之東莞苦人少孤貧有志操爲安北將
軍雍州刺史上車馬幸新亭視秀之發引

平

平東將軍

王隱晉書曰武帝伐吳以王濬爲平東將軍

平西將軍

蜀志曰馬超聞先主圍劉璋於成都密書請降先主遣人
太平御覽

卷二百三十九

五

迎超曰將兵徑到城下城中震怖璋卽稽首以超爲平西
將軍

沈約宋書曰臨川王義慶爲平西將軍

平南將軍

王隱晉書曰武帝伐吳以胡奮爲平南將軍

平北將軍

魏志曰太祖征冀州張燕求佐軍拜平北將軍

雜號將軍上

鎮軍將軍

魏志曰黃初七年魏文以陳羣爲鎮軍大將軍錄尙書事

受顧命

又曰甘露元年以石苞爲鎮軍將軍

沈約宋書曰齊王攸爲鎮軍驃騎上後復舊

撫軍將軍

魏志曰黃初四年以司馬宣王爲撫軍大將軍刺政

又曰齊王嘉平三年以司馬景王爲撫軍大將軍輔政

語林曰簡文爲撫軍時坐牀上生塵不聽左右拂去見鼠行跡視以爲嘉有叅軍見鼠以手板格煞之撫軍謂曰無乃不可

征虜將軍

東觀漢記曰祭遵爲征虜將軍廉潔奉公光武曰安得憂國奉公如祭征虜者乎

太平御覽

卷二百三十九

六

魏志曰太祖以臨淄侯植爲征虜將軍遣救曹仁呼之有所敕而植醉於是罷之

又曰南陽周太好立功善用兵以爲征虜將軍

沈約宋書曰征虜將軍世號金紫將軍

冠軍將軍

史記曰楚義帝以宋義爲卿子冠軍

漢書曰武帝以霍去病征匈奴功冠三軍封冠諸侯

魏志曰正始中以文欽爲冠軍將軍揚州刺史

晉起居注曰武帝泰和七年詔曰議朗胡奮開爽忠亮有文武才幹歷來外內涉練戎事威畧之聲著於外其以奮爲冠軍將軍

齊書曰劉峻嘗從駕登蔣山上歎曰貧賤之父不可忘
糟糠之妻不下堂顧謂峻曰此故卿也世言富貴好改之
其素情吾雖有四海今日與卿盡布衣之適峻起拜謝遷
冠軍將軍

晉書載記曰符堅冠晉以姚萇爲龍驤將軍督益梁州諸
軍事謂萇曰朕本以龍驤建業龍驤之號未曾假人今持
以相授山南之事一以委卿堅名將賣衡進曰王者無戲
言此將不祥之徵也惟陛下察之堅默然

車頻奏書曰符堅與符健西入關堅時年十二未有軍號
健夢有天神遣使者朱衣武冠拜堅爲龍驤將軍後加此
官以應神夢

太平御覽

卷二百三十九

七

羊祜別傳曰先時吳童謠云阿童復阿童衝刀浮渡河不
畏岸上虎但畏水中龍祜聞之曰此必水軍有功卽表中
濬爲龍驤將軍謀伐吳

輔國將軍

晉書曰王導爲輔國將軍導故牋曰昔魏達達政之主也
旬文若功臣之最也封不過亭侯倉舒愛子之寵贈不過
別部司馬以此格萬物得不局跡乎今者臨郡不問賢愚
蒙賤皆加重號輒有鼓蓋時有不得者或爲恥辱天官混
雜朝望頽毀導委荷重任不能崇浚山海而開創亂源譬
竊名位取紊弊典謹送鼓蓋崇之特請從導始庶今雅俗

區別郡望無惑

王隱晉書曰王濬爲輔國將軍

又曰羊祜以輔國將軍開府儀同

領軍將軍

魏志曰文帝卽位拜曹休爲領軍將軍

晉書曰紀瞻轉領軍將軍當時服其嚴毅雖恒疾病六軍敬懼之瞻以久病請去官不聽復加散騎常侍及土敦之逆帝使謂瞻曰卿雖病但爲朕臥護六軍所益多矣

晉陽秋曰韓伯年四十九拜領軍疾病占候者云宜此官固請從之

何法盛晉中興書曰陶回拜領軍將軍加散騎常侍性方範不畏強禦丹陽尹桓景頗以佞事司徒王導導甚睚眦

太平御覽

卷二百三十九

八

之回常慷慨謂景宜親正人不宜親狎會熒惑守有斗經旬王公語回曰南斗揚州分而熒惑守之吾當遜位以厭此譎回答曰公以明德作鎮輔弼聖主當親忠貞遠邪佞與恒景造膝熒惑何由退舍景深愧之

梁書曰曾明祜拜領軍將軍厚自封植以所加鼓吹恒置齊中對之曰娛人曰此是羽儀公名望隆重不宜若此答曰我性愛之恒須見耳或山遊亦以自隨士人笑之

唐書曰貞元十一年以前太子賓客李愿爲左領軍大將軍李憑爲右威衛大將軍依前兼中丞皆太尉晟之子以色喪故展諸子同日授官者凡九人

王隱晉書曰王敦將復作逆明帝問曰何如應詹厲然慷慨答詔曰陛下宜奮赫斯之威臣等常負戈從戎以順討逆誠社稷之計也卽以詹爲護軍將軍同心滅敦

中軍將軍

漢書曰馮奉世字子明元帝以爲中軍屯首陽

魏志曰曹貞持節督中外諸軍事中軍將軍受顧命

王隱晉書曰太始元年以羊祜爲中軍將軍惣宿衛

游擊將軍

史記曰漢高祖以陳稀爲游擊將軍

漢書曰太初元年以蘇建韓說爲游擊將軍

袁宏漢記曰建武二年以鄧隆爲游擊將軍助朱浮攻彭

太平御覽

卷二百三十九

九

寵

魏志曰卞蘭少有才學爲遊擊將軍加散騎常侍

山濤啟事曰遊擊將軍諸葛冲精果有文武擬補兗州詔

荅曰冲領兵未欲出之

積射將軍

後周書曰于謹除積射將軍又隨廣陽王元深征鮮于修

禮停軍中山待中元晏言於靈太后曰廣陽王以宗室之

重受律專征今乃盤桓不盡坐圖非望又有于謹者智畧

過人爲其謀主風塵之隙恐非陛下純白矣靈太后詔於

尙書省門外立勝募能獲謹者許重賞謹聞之乃謂廣陽

王曰今女主臨朝取信讒佞脫不明白殿下素心便恐禍

至謹請束身詣闕歸罪有司披露心腸許之謹遂到陛下
曰吾知此人衆共詰之謹曰我卽是也有司以聞靈太后
見之大怒謹備述廣陽忠疑兼陳停軍之狀靈后意解捨
之

世語曰積射將軍樊震對武帝稱鄧艾之忠

積弩將軍

沈約宋書曰積弩將軍晉官也

齊職儀曰積弩將軍品第四銀章青綬武冠絳朝服佩水

蒼玉

晉太康十年立稽等利則營各二千五百人並以將軍領
之

太平御覽

卷二百三十九

十

強弩將軍

漢書曰元狩元年以李沮爲強弩將軍伐匈奴

又曰太初二年以路博德爲強弩將軍

又曰神雀二年以許延壽爲強弩將軍遷大司馬

傳暢晉讚曰晉文王晉臺置強弩將軍掌宿衛

殿中將軍

雲中記曰漢桓帝時出遊河上忽有一青牛從河中出直
盪桓帝邊人皆走太尉何公爲殿中將軍有勇力輒走
逆之牛見公往乃反走還河未下河公及牛乃以左手拔
牛左足脫以右手持斧斫牛頭殺之此青牛者是萬年水
精也

語林曰慶公以伐王公先書與郗公曰老賤賊轉欲轉
張殿中將軍舊用才學士以廣視听而頃悉內面墻人是
欲蔽主之明便欲勒數州之衆以除君側之惡今年之
舉篋不齊矣

員外將軍

後魏官氏志曰員外將軍從第八品

直閣將軍

後魏書曰楊暉字延李弘農華陰人也惟雅厚頗有文學
起家奉朝請稍遷直閣將軍

蕭子顯齊書曰王敬則晉陵南沙人也生而紫面年長血
腋生下乳各長數寸夢騎五色獅子明帝卽位爲直閣將

太平御覽

卷二百三十九

十一

軍

齊書曰劉善明爲直閣將軍五年青州沒廬善明母陷北
虜移置乘乾善明布衣蔬食哀蹙如持喪明帝每見爲之
歎息時人稱之

直閣將軍

齊書曰劉善明爲直閣將軍五年青州沒廬善明母陷北

直閣將軍

齊書曰劉善明爲直閣將軍五年青州沒廬善明母陷北

齊書曰劉善明爲直閣將軍五年青州沒廬善明母陷北

齊書曰劉善明爲直閣將軍五年青州沒廬善明母陷北

太平御覽卷第二百三十九終

太平御覽卷第二百四十

職官部三十八

雜號將軍下

建威將軍 奮威將軍 奮武將軍

振威將軍 揚威將軍 建武將軍

輕車將軍 伏波將軍 材官將軍

折衝將軍 虎威將軍 偏將軍

裨將軍 虎牙將軍 漢臣將軍

討虜將軍 破虜將軍 建義將軍

刺姦將軍 輔威將軍 揚化將軍

安漢將軍 輔漢將軍 都尉護將軍

太平御覽 卷二百四十

立義將軍 中堅將軍 厲威將軍

盪寇將軍 討逆將軍 輔吳將軍

盪威將軍 鷹揚將軍 牙門將軍

中將軍 中領軍 中護軍

北軍中侯 朱衣直閣 直寢

直後 直齋 監軍

建威將軍

東觀漢記曰光武以耿弇為建武大將軍徙征維陽

奪威將軍

魏志曰呂布殺董卓王允以布為奮威大將軍儀同三司
又曰狙援說袁紹即表為奮威將軍

奮武將軍

吳志曰賀齊傳豫章東部民彭才李玉王海等起爲賊亂衆萬餘人齊討平之誅其首惡餘各降服棟其精健爲兵次爲縣戶遷奮武將軍

振威將軍

魏志曰太祖以程昱爲振武大將軍破袁譚尙

揚威將軍

魏志曰臧霸字宣高泰山人也從太祖討孫權於濡須口與張遼爲前鋒行過霖雨大軍先反水遂長賊船稍近將士皆不安遼與去霸止之曰公明於利鈍寧肯捐吾等耶明日果有令遼至以語太祖太祖喜之拜霸揚威將軍

太平御覽

卷二百四十

二

建武將軍

魏志曰太祖以夏侯惇爲建武將軍又曰文帝孟達姿才容觀以爲將軍

輕車將軍

漢書曰武帝元光七年以公孫駕爲車將軍屯馬邑

伏波將軍

環齊要略曰伏波船涉江海欲浪伏息也

漢書曰武帝元鼎五年以路博德爲伏波將軍伐吳越呂

嘉

東觀漢記曰光武以馬援爲伏波將軍

魏志曰夏侯惇爲伏波將軍領河尹使得以便宜從事不

拘科制太祖常與同載特同親重出入臥內諸將莫得比也

王隱晉書曰武帝以孫琇爲伏波將軍

材官將軍

漢書曰武帝以李息爲材官將軍軍馬邑

折衝將軍

漢書曰武帝以樂進折衝將軍

虎威將軍

魏志曰于禁宇文見泰山人將軍王服異之薦禁方任大將太祖召見與拜軍司馬後拜虎威將軍

吳志曰朱然字義封從孫權討鬪羽別與潘璋到臨沮擒

太平御覽

卷二百四十

三

羽遷昭武將軍封西安卿侯虎威將軍呂蒙病篤權問曰卿不如起誰可代者蒙對曰朱然膽守有餘愚以爲可任蒙卒權假然節鎮江陵

齊書曰柳世隆元景子也出爲虎威將軍上庸太守帝謂元景曰卿以虎威之號爲隋郡今復以授世隆使卿閉世不絕公也

偏將軍

漢書曰吳漢字子顏南陽宛人家貧以販馬自業素聞光武長者獨欲歸心又世祖於廣阿拜漢爲偏將軍

又曰臧宮字君翁潁州人也從世祖征戰諸將多稱勇世

祖察宮勤力少言甚親納之及至河北以爲偏將軍

吳志曰陳武字子列廬江人孫策在壽春武修謁時年十八長七尺七寸及權統事尤爲權所受拜爲偏將軍

又曰董襲字元伐會稽人長八尺武力過人拜爲偏將軍

裨將軍

魏志曰李通字文達江夏平春人以遊俠聞於江汝之間屬連歲大饑通傾家振於與士分糟糠建安初通舉衆詣太祖于許太祖討張繡通爲先登大破繡軍拜裨將軍

虎牙將軍

漢書曰宣帝以雲中太守田順爲虎牙將軍伐匈奴

范曄後漢書曰蓋延字巨卿漁陽人也身長八尺邊俗尙勇力而延以氣聞與吳漢同歸世祖從平河北世祖卽位

太平御覽

卷二百四十

四

拜虎牙將軍

漢臣將軍

東觀漢記曰上於大會中指王常謂羣臣曰此家率下諸將輔翼漢室心如金石真忠臣也是日以常爲漢臣將軍與將紀席

討虜將軍

東觀漢記曰光武以王霸爲討虜將軍繫黃憲

破虜將軍

魏志曰李與字曼成山陽鉅野人爲破虜將軍與好學問貴雅儒不與諸將爭功敬賢士大夫恂恂若不及軍中稱

其長者

建義將軍

東觀漢書曰光武以朱祐爲建義將軍功朱鮪

刺姦將軍

東觀漢記曰光武以軍令祭遵爲刺姦將軍

范曄漢書曰岑彭字君然南陽棘陽人也後世祖拜爲刺姦將軍使督察衆營投以常所持節

輔威將軍

東觀漢記曰光武以臧宮爲輔威將軍

揚化將軍

東觀漢記曰光武以堅鐙爲揚化將軍

安漢將軍

太平御覽

卷二百四十

五

蜀志曰麋竺字子仲益州既定拜爲安漢將軍班在軍將軍之右筑雍容敦雅而翰翮非所常是以待之上賓之禮未會有所統御然賞賜優寵無與爲比

又曰王平字子均諸葛亮於卒武功軍退還魏延作亂一戰而敗平之功也遷安漢將軍

輔漢將軍

東觀漢記曰光武以鄧奉爲輔將軍

都護將軍

魏志曰曹洪累從征討爲都護將軍

立義將軍

魏志曰龐德以衆降太祖聞其驍勇拜爲立義將軍

中堅將軍

魏志曰太祖以許褚爲堅將軍又以張遼爲中堅將軍

厲威將軍

魏志曰太祖征荊州還留滿寵行厲威將軍

盪寇將軍

蜀志曰張嶷字伯岐自越雋徵詣成都民夷戀慕泣涕過旄斗邑邑君襁負求迎及追尋至蜀郡界其督率隨嶷朝貢百餘人疑至拜盪寇將軍慷慨壯列士人多貴人

討逆將軍

吳志曰曹公表孫策爲討逆將軍

輔吳將軍

吳志曰孫權以張昭爲輔吳將軍

太平御覽

卷一百四十

六

沈約宋書曰吳置輔吳將軍班亞三司

盪威將軍

吳志曰呂據太元元年大風江水盛溢流漸淹城門權使視水獨見據使人取大船以備宮權嘉之拜盪威將軍

鷹揚將軍

晉書曰郭奕咸寧初遷雍州刺史鷹揚將軍尋假赤幢曲蓋鼓吹

牙門將軍

蜀志曰魏延字文長義陽人也以部曲將隨先主入蜀數有戰功遷牙門將軍

北齊書曰沙苑之敗崔仲支持馬尾以渡河波中乍沒乍出高祖望見之曰崔掾也遽遣船赴接旣濟勞之曰卿爲親爲若不顧萬死在家之孝子卽國之忠臣加中將軍

中領軍

魏略曰中領軍延康中置故漢如軍中候之官

又曰太祖以史渙中勇爲中領將軍禁兵

又曰太祖還長安以曹休爲中領軍

又曰文帝征孫權以尚書令陳羣爲中領軍

晉書曰吳隱爲中領軍清儉不華每月初得祿裁留身糧其餘悉以分賑親族家人績紡以供朝夕時有困絕或併

太平御覽

卷二百四十

七

日而食恒布衣不完妻子不沾寸祿

晉中興書曰羊祜字叔子遷中領軍悉統宿衛入直殿中執兵之要事兼內外

齊書曰蕭景先武帝少時與景先共車行涯路車久故壞至領軍府西門車轆折俱狼狽景先謂帝曰兩人朕作領軍亦不得忘今日艱辛及武帝踐祚詔以景先爲領軍拜日羽儀甚盛傾朝觀屬拜還未至府門中詔相聞領軍合日無當無折轅事耶景先奉謝

梁書曰臧盾遷中領軍領軍營天下兵要堅局事多有爲人敏瞻有風力長於撥繁職事甚理天監中吳平侯蕭景若此職着聲稱之是盾復繼之

三國典畧曰齊左僕射祖珽附六合萱求爲領軍齊主許之侍中斛律孝卿謂上洛王元海侯呂芬等云珽是漢兒兩眼盲豈合作領也元海遂入啟之珽言於齊主云元海與臣素有隙必是元海譖臣齊主曰然珽列元海共天府少卿李叔元平淮令張叔畧等結朋樹黨六合萱又唱和之遂除元海爲鄭州刺史叔元爲襄城郡守叔略爲南營州錄事參軍珽遂獨處機衡總知兵事齊主亦令中要人扶持出入每固御榻論決朝政

中護官

史記曰漢官帝以陳平爲護國中尉盡護諸將

太平御覽

卷一百四十

八

漢書曰護軍都尉秦官元狩四年燹太司元壽元年更名司寇元始元年更名護軍

魏志曰韓浩字元嗣以忠勇顯爲中護軍掌禁兵置長史司馬從太祖討張魯魯降議者以浩智略足以綏邊欲留使都督諸軍鎮漢中太祖曰吾安可以無護軍乃與俱其見親如此

王隱晉書曰鄧攸遷吏部尚書牧馬於家庭妻子素食當時清淨內外肅然遷爲中護軍王曰然護軍職典武選宜得晉起居注曰武帝太始七年詔曰中護軍職典武選宜得堪幹其事者左衛將軍羊琇有明聰才見乃心在心其以

琇爲中護軍

晉中興書曰司徒王導將以趙冰爲中護軍孔愉謂導曰中興以來授此官者用周伯仁應思遠今誠之才豈可以趙冰居之其秉政不撓皆此類也

世語曰夏侯玄世名知之爲中護軍拔用武官無非俊傑多牧州典郡

皇甫謐集云護軍武士之官

晉王羲之臨護軍教曰今所在要在於公役均平其羗太史忠謹在公者覆行諸營家至人苦暢吾乃心其有老落篤癘不堪從役或有饑寒之色不能自存者區分處別自當參詳其宐

北軍中侯

太平御覽

卷二百四十

九

漢書曰武帝置中壘校尉掌北軍壘門外內

續漢書曰光武中興中省壘置中侯五校尉營

又曰孔文舉拜軍中侯

王隱晉書曰荀晞字道將北軍中侯

又曰太祖永昌年以鍾雅爲北軍中侯五年省併領軍

晉中興書曰陶回字恭之王導以回有器幹擢拜北軍中侯曰性不畏強禦

朱衣直閣

魏書曰元文景大司農卿康之次子除員外郎冠軍將軍朱衣直閣

直寢

後魏書曰于忠字思賢弱冠侍御史文明太后臨朝之刑政頗峻忠朴直少言終無過誤尋除左中郎將領直寢又曰揚津字羅漢弘農華陰人也本字延祚高祖賜名焉少端謹以器度見稱爲直寢

直後

後魏書曰元天穆性和厚美形貌年二十起家員外郎領直後

蕭子顯齊書曰臨海亡命田流自號東海王逃竄會稽鄭縣邊海山谷中立屯營官軍不能討明帝遣直後門人襲說降之

直齋

太平御覽

卷二百四十

十

後魏書曰民志曰太和九年十月初置直齋

監軍

史記曰穰苴將兵扞燕晉之師苴曰臣素城君擢之門軍之中加之大夫之上願得君之寵臣國之所無以監軍景公使莊賈往苴與賈約曰會日中於軍門苴先馳至軍立表下漏賈素驕貴夕時乃至苴遂斬賈以徇三軍軍士皆震慄服之

東觀漢記曰光武使宋欽監諸將

范曄後漢書曰宋均字叔庠爲監軍時伏波將軍馬援征武溪南臨流水軍士多病均懼衆軍疾疫驕詔迫降之諸將莫應均乃勒兵圍賤城詐爲詔而降之爲置長史而歸

自劾驕詔之罪帝善焉

魏志曰司馬文王征壽春使監軍石苞統享爲遊軍
晉武帝起居注曰豫州刺史胡威忠素質直思謀深奧其
以盛爲監軍刺史如故

沈約宋書曰監軍蓋諸持出大將監領之

太平御覽

卷二百四十

士

太平御覽卷第二百四十終

